

摘藻堂四庫全書薈要

史部

欽定四庫全書薈要

史部

御批通鑑綱目卷四上

詳校官編修臣汪鏞

欽定四庫全書薈要卷七千三百八

史部

御批資治通鑑綱目卷四上

起乙酉漢景帝元年盡
庚午漢武帝元鼎六年

凡四十六年

孝景皇帝元年冬十月尊高皇帝為太祖孝文皇帝

為太宗令郡國立太宗廟

丞相嘉等奏功莫大於高皇帝德莫盛於孝文皇帝
高皇帝宜為太祖之廟孝文皇帝宜為太宗之廟天
子世世獻郡國宜各
集覽天子世世獻本紀作天子
立太宗廟制曰可
宜世世獻祖宗之廟按韻

會獻字下載說文云宗廟
犬名羹獻犬肥者以獻

正誤

天子世世獻今按此
但言祭獻不必指獻

犬也

春正月詔聽民徙寬大地

詔曰郡國或硤陿無所農桑或饒廣水泉利其議民欲徙寬大地者聽之

夏赦○復收民田半租三十而稅一

書法

復者何嘗除也文帝除之至景帝而復收非得已也然止收半租則賜民半租矣自是遂

為常制是歲賜半租自帝始也書曰復收與魏徵綿麻稅書復者異矣梁戊戌年

○減笞法

初文帝除肉刑外有輕刑之名內實殺人笞五百者率多死是歲詔曰加笞重罪無異幸而不死不可為

人其定律答五百曰
三百三百曰二百

以張歐為廷尉

歐事帝於太子宫雖治刑名家為人長者未嘗
言案人專以誠長者處官官屬亦不敢大欺

集覽

張歐史記張叔者名歐正義曰歐於友反索隱曰烏
後反漢書注歐音驅有此異耳治刑名家索隱曰劉
向別錄云申子之學號曰刑名者循名以責實其尊
君卑臣崇尚上抑下合於六經也正義曰刑名家也名
家在太史公自序傳質實一統志云張歐沛人
言治刑法及名實也安丘侯說少子也

丙戌二年冬十二月有星孛于西南○令男子二十始傅

集覽

二十始傅注見漢王
劉邦二年老弱未傅

○春三月立子德為河間王

闕為臨江王餘為淮陽王非為汝南王彭祖為廣川王發

為長沙王質實

河間國名注見帝立更始二年長沙國名注見獻帝興平元年

○夏四

月太皇太后崩考異

據凡例太后下漏薄氏二字

○六月丞相嘉卒

時內史鼂錯數請間言事輒聽寵幸傾九卿法令多所更定丞相嘉自絀疾錯錯內史門東出不便更穿一門南出南出者太上皇廟塋垣也嘉聞為奏請誅錯客有語錯錯恐夜入宮自歸至朝嘉請上曰錯所穿乃外塋垣故冗官居其中且我使為之錯無罪嘉罷朝曰吾悔不先斬錯乃為所賣歐血而死

集

覽

廟塋垣韋昭曰塋而緣反宮外餘地也正義曰廟外垣內遊地也遊亦餘也顏師古曰塋者外垣之

內內垣之外夜入宮自歸為句漢書作入宮上謁自歸上顏師古曰歸首於天子也嘉請為句請奏也冗

官漢書注散官也韻會注宮中之
冗食人也徐氏曰無定所執也

以陶青為丞相鼂錯為御史大夫○彗星出東北

書法

書彗星記異也自是熒惑歲星逆行明年長
星出而七國反兵滿天下此其應也綱目書

彗十有七詳周顯王八年書彗五

十有三則彗之為異非彗比矣

○秋衡山雨雹集覽

雨雹注見晉穆
帝永和五年

質實

衡山國名注
見景帝四年

大者五寸

深者三尺

書法

書電記災也書雨雹始此終綱目書雨雹二
十四是年大者五寸深者三尺景帝中元年

大者尺八寸武帝元鼎三年元封三年大如馬頭
宣帝地節三年四年深二尺三寸殺人成帝河平

二年大如釜莽己巳年甲戌年殺牛羊殤帝延平
元年安帝永初元年二年元初四年六年延光元
年大如斗三年桓帝延熹四年七年靈帝建寧二
年光和四年中平二年獻帝初平四年晉惠帝元
康三年深三尺五寸晉
懷以後不書史缺也

熒惑逆行守北辰月出北辰間歲星逆行天廷中

書法

書熒惑始此終綱目書熒惑五是年晉懷帝
永嘉三年康帝建元二年安帝義熙十一年

齊武帝癸亥年○月食不書書出北辰何月有常
道錯行至此大異也自是書月赤書月貫天廷中
帝之世三書月矣終綱目書月五是年後三年再
書漢成帝建始元年唐肅宗乾元二年○歲星不
書此其書何記大異也
終綱目書歲星一而已

丁亥
三年冬十月梁王武來朝

梁孝王以竇太后少子故有寵居天下膏腴之地賞賜不可勝道府庫金錢珠玉寶器多於京師築東苑方三百餘里廣睢陽城七十里大治宮室為複道三十餘里招延四方豪俊之士每朝入則侍上同輦出則同車射獵留或半歲梁侍中郎謁者著籍引出入天子殿門與漢宦者無異上嘗與宴飲從容言曰千秋萬歲後傳於王王辭謝雖知非至意然心內喜詹事竇嬰引卮酒進上曰天下者高祖之天下父子相傳漢之約也何以得傳梁王太后因此憎嬰

集覽
膏腴

嬰因病免太后除嬰門籍梁王以此益驕
顏師古曰腹之下肥曰腴故取以喻肥饒之地睢陽
地里志周之宋國也武王封微子於宋即此漢置梁
國隋改宋州今歸德府是括地志云宋州宋城縣在
州南二十里外城中本漢睢陽縣景帝時梁孝王築

之鼓倡節杵而後下和之稱睢陽曲著籍著竹畧反置也籍名簿也令梁國之侍中郎官謁者皆著其名於門籍通引出入也又詳

質實

一統志云睢陽漢之縣名屬梁國隋置宋

見宣帝地節三年通籍
州改縣曰宋城大業初改州曰梁郡唐初為宋州後為睢陽郡五代梁置宣武軍唐改歸德軍宋陞為南京應天府治宋城金改府曰歸德復改宋城曰睢陽元遂因之本朝降為州以睢陽縣省入屬開封府

春正月赦○長星出西方○洛陽東宮災

發明

景帝即位纔三年爾字彗雨雹熒惑歲星之變紛紛見於史冊至是又書長星出西方洛

陽東宮災未幾果有七國之亂漢幾不保帝宣有舛政逆令以干天地之和者乎寬仁恭儉家法未改而天變若此先儒有言一念之善祥風和氣一念之惡妖星厲鬼景帝失德未形特以忌刻少恩

而變異應之捷如影響然則人君一念之間所繫若此觀之綱目之所書則知微之顯誠之不可揜也如是可不謹諸

○吳王濞膠西王卬膠東王雄渠菑川王賢濟南王辟光楚王戊趙王遂反以周亞夫為太尉將兵討之殺御史大夫晁錯二月亞夫大破吳楚軍濞亡走越戊自殺

初孝文時吳太子入見得侍皇太子飲博爭道不恭皇太子引博局提殺之吳王稱疾不朝京師繫治驗問吳使者吳王恐始有反謀後使人為秋請文帝復問之對曰察見淵中魚不祥唯上棄前過與之更始於是文帝乃赦吳使者歸之而賜吳王几杖老不朝吳謀益解然以銅鹽故百姓無賦卒踐更輒與平賈

歲時存問茂材賞賜閭里他郡國吏欲來捕亡人者
公共禁弗予如此者四十餘年鼂錯數言吳過可削
文帝不忍及帝即位錯曰高帝封三庶孽分天下半
今吳王不朝於古法當誅文帝不忍德至厚王當改
過自新反益驕誘天下亡人謀作亂今削之亦反不
削亦反削之其反亟禍小不削其反遲禍大上令列
侯公卿宗室雜議莫敢難獨竇嬰爭之錯又言楚趙
有罪皆削一郡膠西有姦削其六縣方議削吳吳王
恐因發謀舉事聞膠西王勇好兵使人說之又身至
膠西面約遂發使約齊菑川膠東濟南皆許諾○初
楚元王好書與魯申公穆生白生俱受詩於浮丘伯
及王楚以三人為中大夫穆生不嗜酒元王每為設
醴及孫戊即位常設後忘設焉穆生退曰可以逝矣
醴酒不設王之意怠不去楚人將鉗我於市遂稱疾
卧申公白生彊起之曰獨不念先王之德與今王一
旦失小禮何足至此穆生曰君子見幾而作不俟終

日先王之所以禮吾三人者為道存也今而忽之是忘道也忘道之人胡可與久處豈為區區之禮哉遂謝病去戊稍淫暴太傅韋孟作詩諷諫不聽亦去戊坐削地事遂與吳通謀申公白生諫戊戌胥靡之衣之赭衣使雅舂於市及削吳會稽豫章郡書至吳王遂起兵殺漢吏膠西膠東菑川濟南楚趙亦皆反楚相張尚太傅趙夷吾趙相建德內史悍皆諫被殺齊王後悔背約城守濟北王城壞未完其郎中令叔守王不得發兵○膠西膠東菑川濟南共攻齊圍臨菑趙王遂發兵住其西界北使匈奴與連兵吳王悉其士卒二十餘萬闕東越亦發兵從起廣陵西涉淮并楚兵遺諸侯書罪狀鼂錯欲合兵誅之破梁棘壁乘勝銳甚梁遣將軍擊之皆敗還走初文帝且崩戒太子曰即有緩急周亞夫真可任將兵至是上乃拜亞夫為太尉將三十六將軍往擊吳楚遣酈寄擊趙樂布擊齊竇嬰屯滎陽監齊趙兵初錯更令三十章諸

侯謹譁錯父聞之從潁川來謂錯曰上初即位公為政用事侵削諸侯疏人骨肉口語多怨公何為也錯曰不如此天子不尊宗廟不安父曰劉氏安矣而鼂氏危遂飲藥死曰吾不忍見禍逮身後十餘日七國反以誅錯為名上與錯議出軍事錯欲令上自將兵而身居守徐僮之旁吳所未下者可以予吳錯素與吳相袁盎不善未嘗同堂語至是謂丞史曰袁盎多受吳王金錢專為蔽匿言不反今果反欲請治盎宜知其計謀人有告盎盎恐夜見竇嬰為言吳所以反願至前口對狀嬰入言上乃召盎盎入上方與錯調兵食問之盎對曰不足憂也上曰吳王即山鑄錢煮海為鹽誘天下豪傑白頭舉事何以言其無能為也對曰吳銅鹽之利則有之安得豪傑而誘之誠令吳得豪傑亦且輔而為誼不反矣上曰計安在盎對曰願屏左右上屏人獨錯在盎曰臣所言人臣不得知乃屏錯盎曰吳楚相遺書言賊臣鼂錯擅適諸侯削

奪之地以故反欲西共誅錯復故地而罷今獨有斬錯發使赦之復其故地則兵可無血及而俱罷工默然良久曰顧誠何如吾不愛一人以謝天下乃拜盜為太常密裝治行令丞相廷尉劾奏錯不稱主上德信欲疏羣臣百姓又欲以城邑與吳無臣子禮大逆無道錯當要斬父母妻子同產無少長皆棄市制曰可錯殊不知上使中尉召錯給載行市錯衣朝衣斬東市乃使盜使吳謁者僕射鄧公為校尉以言軍事見上上曰道軍所來聞鼂錯死吳楚罷不鄧公曰吳為反數十歲矣以誅錯為名其意不在錯也夫鼂錯患諸侯彊大不可制故請削之以尊京師萬世之利也計畫始行卒受大戮內杜忠臣之口外為諸侯報仇臣竊為陛下不取也帝喟然曰公言善吾亦恨之盜至吳吳欲劫使將盜得間脫亡歸報周亞夫言於上曰楚兵剽輕難與爭鋒願以梁委之絕其餽道乃可制也上許之亞夫乘六乘傳將會兵滎陽發至霸

上趙涉遮說亞夫曰吳王素富懷輯死士久矣知將軍且行必置間人於穀澠阨陘之間且兵事尚神密將軍何不從此右去走藍田出武關抵洛陽間不過差一二日直入武庫擊鳴鼓諸侯聞之以為將軍從天而下也亞夫如其計至洛陽喜曰吾乘傳至此不自意全今吾據滎陽滎陽以東無足憂者使吏搜穀澠間果得吳伏兵乃請涉為護軍而東北走昌邑吳攻梁急梁數使使求救亞夫不許又愬於上上使告亞夫救梁亞夫不奉詔而使輕騎出淮泗口絕吳楚兵後塞其饒道梁使韓安國張羽為將軍羽力戰安國持重乃得頗敗吳兵吳兵欲西梁城守不敢西即走漢軍亞夫堅壁不戰軍中夜驚內相攻擊擾亂至帳下亞夫堅臥不起頃之復定吳奔壁東南陬亞夫使備西北已而其精兵果奔西北不得入吳楚士卒多饑死叛散乃引而去二月亞夫出精兵追擊大破之吳王濞棄軍夜亡走楚王戊自殺吳王之初發也

其臣田祿伯曰兵屯聚而西無他奇道難以立功臣
願得五萬人別循江淮而上收淮南長沙入武關與
大王會此亦一奇也王太子諫曰王以反為名此兵
難以屬人人亦且反王奈何王即不許祿伯桓將軍
曰吳多步兵步兵利險漢多車騎車騎利平地願大
王所過城不下直去疾西據洛陽武庫食敖倉粟阻
山河之險以令諸侯雖無入關天下固已定矣大王
徐行留下城邑漢軍車騎至馳入梁楚之郊事敗矣
王亦不用

集覽

吳王濞注見高帝十二年膠西王卬卬
五綱反高帝孫齊悼惠王子故平昌侯立

十一年反都密州高密縣按高密今屬膠州膠州理
膠西縣膠東王雄渠高帝孫齊悼惠王子故白石侯
立十一年反都即墨括地志云即墨故城在今登州
膠水縣東六十里故曰膠東舊川王賢高帝孫齊悼
惠王子故武成侯立十一年反都劇案劇縣屬菑川
菑川隋置淄州今盤陽是括地志云故劇城在青州

壽光南三十里濟南王辟光辟音壁高帝孫齊悼惠王子故勃侯立十一年反都濟南括地志云濟南故城在淄州長山縣西北三十里楚王戊高帝弟楚王交孫嗣二十一年反都彭城趙王遂高帝孫幽王友子嗣二十六年反都邯鄲爭道爭行棊之路博局猶今言棊擊提殺之徐廣曰提徒計反史記周勃世家太后以冒絮提文帝索隱曰服虔云提音弟或作啼非也蕭該音底提擲也案蕭音為得之使人為秋請史記吳王濞傳註孟康曰律春曰朝秋曰請如古諸侯朝聘也索隱曰請音淨謂濞不得行使人為此秋請之禮察見淵中魚不祥張晏曰喻人君不當見盡下之私韋昭曰知臣下陰私使憂患生變為不祥故當赦宥使自新也索隱曰此語見韓子及文子余今見列子說符篇曰晉國苦盜有郄雍者能識盜之貌而得其情俄而羣盜盜而戕之晉侯大駭告趙文子曰取盜何方文子曰周諺有言察見淵魚者不祥智

料隱匿者有殃君欲無盜莫若舉賢而用之卒踐更輒與平賈更戍兵也如淳曰更有三品古者正卒無常人皆迭為之一月一更是為卒更貧者欲得雇更富者次直者出錢雇之月二千是為踐更記曰古者用民歲不過三日天下人皆直戍邊三日雖丞相子亦在調不可人人自行又行者不可三日便還因一歲一更諸不行者出錢三百入官官以給戍者是為過更漢書音義曰吳王欲收民心為卒雇者其庸隨時月與平賈如桓靈時有所興作以少府錢借民比也索隱曰此言踐更輒與平賈謂為踐更合自出錢今吳王欲得人心乃與平價官讐之也捕亡人避禍而逃亡者討捕之公共禁弗予史記吳王濞傳公作訟注如淳曰訟公也正義曰訟音容言其相容禁止不予也庶孽詩詁曰正長曰嫡其餘曰庶妾隸之子曰孽孽之言孽也有罪之女沒廢役之而已得幸於君有所生若木既伐而生枿也枿與孽通音牙葛反

申公魯人史記儒林傳言詩於魯則申培公韋昭曰培申公之名音扶尤反浮丘伯齊人浮丘複姓伯名也索隱曰呂后時浮丘伯在長安申公與元王子劉郢俱卒學也雅春於市史始釋文曰正身春之曰雅春按本傳作杵臼碓春於市注為木杵而以手春今謂步臼者耳閩東越史記東越傳注韋昭曰閩者東越別名也又閩越注見惠帝三年罪狀鼂錯狀形容之也其書形容容鼂錯之罪猶莊子自狀其過也破梁棘壁梁謂梁國按大梁今陳留浚儀是古汴州也漢文封子武於大梁以其卑濕後徙睢陽改曰梁國即宋州也今歸德是棘壁城名屬梁國索隱曰按春秋宣二年宋鄭戰于大棘注大棘在陳留襄邑南蓋即棘壁也括地志云大棘故城在宋州寧陵西南七十里丞史如淳曰百官表御史大夫有兩丞丞史丞相史也願至前口對狀不用奏章願至主上前口對說也豪傑白頭淮南子曰智過百人曰豪才過萬人曰

傑史記田敬仲完世家蘇代為齊謂秦王曰中國白
頭游敖之士皆積智欲離齊秦之交擅適諸侯適與
謫通責也罰也密裝治行謂促裝治具行李以使吳
也密秘之也鄧公漢書作鄧先孔文祥曰姓鄧名先
道軍所來如淳曰道路從吳軍處所來也瓚曰道由
也剽輕剽匹妙反亦輕也輕去聲不持重也乘六乘
傳漢書呂后崩大臣召代王代王乘六乘傳至長安
注如淳曰急者乘一馬曰乘一乘傳張晏曰乘六乘
傳蓋備漢朝有變欲急馳還故乘傳車六乘也又乘
傳註見高帝五年間人間居覓反師古曰謂伏兵也
穀澠並注見光武建武三年藍田注見周赧王三年
武關注同上四年武庫在未央宮蕭何造以藏兵器
擊鳴鼓荀子富國篇必將撞大鐘擊鳴鼓以塞其耳
注大作金革之聲也楚辭九歌國殤篇援玉枹兮擊
鳴鼓注援枹擊鼓言志愈厲而氣愈盛也淮泗口在
今淮安州北樂史寰宇記云今公路浦即淮口也袁

衍過此因改名焉水經注淮水在山陽北五里淮水之會即角城也左右兩川夾翼二水以入即泗口也自鼇山北縈迴楚城東入于海敖倉注見漢王劉邦二年

正誤

公共禁弗予今按公如字猶今言公

然也鼃錯謂丞史曰今按鼃錯時為御史大夫則丞史乃御史大夫之丞及史也漢百官表御史大夫有兩丞侍御史十五人誘天下豪傑白頭舉事今按豪傑二字當屬上文為句白頭二字屬下文言吳王白頭舉事吳王時年六十二集覽引史記似以為指中國白頭之士舉事誤矣道軍所來今按臣瓚曰道由也去

質實

一統志云吳漢之國名注見武帝元朔五年淮南國膠西漢之國名治高密縣後改

為高密國東漢國除以縣屬北海郡晉屬城陽郡宋屬高密郡隋唐皆屬密州元屬膠州至本朝因之改屬萊州府膠東漢之國名治即墨縣東漢國除以縣屬北海國晉屬濟北國北齊省隋復於不其故城東

北二十七里復置即墨縣即今治元屬膠州本朝
因之改屬萊州府菑川漢之國名治劇縣東漢國除
縣尋省之故城在青州府壽光縣西南三十里濟南
漢之國名治歷城縣後改為濟南郡東漢仍為國俱
治東平陵晉移治歷城劉宋割青州西部於此僑立
冀州後魏改為齊州兼置濟南郡隋初罷郡存州後
改為齊郡唐復為齊州天寶初改為臨淄郡尋改為
濟南郡乾元初復為齊州宋陞為興德軍又陞為濟
南府金因之元改為濟南路至本朝復改濟南府為
山東道治所仍隸焉楚漢之國名注見秦始皇二十
八年彭城趙漢之國名治邯鄲縣晉初移治房子後
魏廢國為趙郡治平棘北齊置趙州隋置欒州後改
為趙州大業初改趙郡仍治平棘唐復為趙州治栢
鄉尋復治平棘天寶初改趙郡後復為趙州宋置慶
源軍宣和初陞慶源府金仍改趙州後改為沃州元
復為趙州屬真定路至本朝以平棘縣省入屬真定

府梁漢之國名治碭縣後遷治睢陽縣東漢國除晉改為碭郡隋置宋州改縣曰宋城大業初改州曰梁郡唐初為宋州後為睢陽郡五代梁置宣武軍唐改歸德軍宋陞為南京應天府治宋城金改府曰歸德復改宋城曰睢陽元遂因之本朝降為州以睢陽縣省入仍屬開封府棘壁即大棘城在開封府寧陵縣西南七十里左傳宋華元與鄭公子歸生戰于大棘即此越即東越國注見惠帝三年

發明

澤為逆已久特因鼂錯而發爾然使錯徐為之計又不併削諸國則澤亦無以為興兵之

端故書錯死於七國反之下以見禍變之興由錯而發然則書殺而不書去官何哉錯之為謀雖曰失於輕舉要之為宗社大計非為一己計也景帝聞變倉皇無策一聞小人之說遽爾輕殺後之臣子孰敢盡心為國謀慮者哉世儒論錯或以為忠或以為愚其說不一今觀綱目所書則錯無罪見

殺較然甚明後之論
錯者要當以是為的

是月晦日食○越人誅淠齊王將閭及卬遂皆自殺雄
渠賢辟光皆伏誅徙濟北王志為菑川王

吳王度淮走丹徒保東越東越人殺之三王之圖臨
菑也齊王使路中大夫告於天子天子復令還報告
齊王堅守漢兵今破吳楚矣路中大夫至三國兵圍
臨菑數重三國將與盟曰若反言漢已破矣齊趣下
三國不且見屠路中大夫既許至城下望見齊王曰
漢已發兵百萬擊破吳楚方引兵救齊齊必堅守無
下齊初圍急陰與三國通謀會路中大夫從漢來其
大臣乃復勸王無下而樂布等兵至擊破三國兵後
聞齊初有謀欲伐之孝王懼飲藥自殺膠西王卬亦
自殺膠東菑川濟南王皆伏誅酈寄攻趙七月不下

藥布還并兵引水灌之王遂自殺帝以齊迫劫有謀
非其辜也名立其太子壽濟北王亦欲自殺齊人公
孫攬為說梁王曰夫濟北之地東接彊齊南牽吳越
北脅燕趙此四分五裂之國權不足以自守勁不足
以捍寇又非有奇怪以待難也雖墜言於吳非其正
計也鄉使濟北見情實示不從之端則吳必先歷齊
畢濟北招燕趙而總之如此則山東之從結而無隙
矣今吳王連兵西與天子爭衡濟北獨底節不下使
吳失與而無助破敗而不救者未必非濟北之力也
功義如此尚見疑於上臣恐藩臣守職者疑之臣竊
料之能歷西山徑長樂抵未央攘袂而正議者獨大
王耳上全亡國下安百姓德淪骨髓恩加無窮願大
王留意詳惟之孝王以間

集覽

度淮度與渡通濟也
風俗通云淮廟在唐

濟北王得不坐徙封菑川
州東二十里廟前槐樹下有一泉眼淮水出焉其源
甚窄可薦而踰流至揚徐間始大禹貢蔡氏傳曰水

經注淮水出南陽平氏縣胎簪山北過桐柏山東南入海今唐州有桐柏縣走丹徒走去聲疾趨也春秋齊相慶封奔吳吳子朱方之地吳地記云朱方秦改曰丹徒地理志會稽有丹徒縣括地志故城在今潤州丹徒縣東路中大夫張晏曰姓路為中大夫史失其名故言姓及官也顧氏按路氏譜云中大夫名卬若反言若汝也三國將謂路中大夫云汝可反說漢已破了齊趣下三國趣音促趣下猶言急降公孫瓚公孫複姓瓚名也音厥縛反見情實句絕見形句反露也先歷齊歷謂歷下在齊州韓信伐齊至歷下即此按齊州今濟南是有歷城縣畢濟北畢了也濟北注見漢王劉邦元年招燕趙招音翹舉也漢之燕國今燕京是漢之趙國今趙州是歷西山歷過也史記秦文公葬西山注皇甫謐曰西山在隴西郡西縣括地志云漢之西縣故城在秦州上邽縣西南九十里徑長樂索隱曰徑舊音經廣雅云徑斜過也長樂宮

本秦興樂宮也
在雍州櫟陽縣

正誤

先歷齊今按歷經過也由齊而
盡濟北也下文曰齊曰濟北曰

燕趙皆舉國名不應獨舉歷下之地
旱濟北今按張

晏云盡收濟北之地也西山今按漢都長安自梁視

之在西故大槩言西山謂西方之山也顏師古質實

注穀及華山也若西縣西山則過長安矣非也

一統志云淮水名在南陽府唐縣東南一百八十里

即禹貢導淮自桐柏者天下有四瀆此其一也今桐

柏支岡有水泉潛流三十里東出大復山經汝寧府

信陽縣東流會沂泗入于海丹徒漢之縣名屬會稽

郡後屬吳郡三國吳改武進縣晉復為丹徒置毘陵

郡宋為南徐州治所隋省入延陵縣唐復置屬潤州

宋元俱屬鎮江路本朝因之屬鎮江府燕漢之國名

注見唐高祖武德四年幽州長樂宮名在西安府城

西北一十八里漢高帝建內有東

朝及宣德通光高明長秋等殿

書法

越者何東越也吳王之反東越嘗發兵從矣不書書誅凖何越之從吳蓋脅從也綱目不

重外蕃故畧之書誅凖勸反正也○齊王不書反矣其書自殺何齊王背約城守則亦非迷而不復者綱目不絕人於善不書反不使夷於七國也然其自殺則與印遂並書之所以微著其情以為不謀始者之戒也

發明

七國書反齊初不與又以不從吳楚之故見圖甚久今乃與印遂槩書自殺何哉始焉吳

遣使約齊齊已許諾則是始謀與之同矣後雖背約城守未幾圖急又復陰與同謀則是始終同逆夫復何詞不然綱目當特筆以明其無罪又可與印遂同日語哉

徙淮陽王餘為魯王汝南王非為江都王立楚元王子

禮為楚王子端為膠西王勝為中山王質實

淮陽國名注見周報

王三十六年陳州汝南國名注見光武建武十九年江都國名注見後主建興二年中山國名注見周威烈王

二十三年

初欲續吳楚太后曰吳王首為紛亂奈何續其後許立楚後乃立禮

戊子四年春復置闕用傳出入集覽

復置闕用傳文帝十二年除闕無用傳今

復置用之以七國反備無常也

○夏四月立子榮為皇太子徹為膠東

王○赦○冬十月晦日食考異

按太初以前皆以冬十月為歲首此年先書春

夏錯簡也

書法

漢自太初以前皆建亥也是年及中四年先書春夏後書冬班史並同史記是年同中四

年先冬後二年亦先

書正月後書十月

○徙衡山王勃為濟北王廬江王賜為衡山王

初七國反吳使者至衡山衡山王堅守無二心上以為貞信徙王於濟北以褒之廬江王以邊越數通使

徙王

集覽

衡山地理志六安國六縣漢高別為衡山國武帝改六安國治六屬廬江廬江古廬子

國秦為合肥縣漢立廬

質實

一統志云衡山漢初國名治六縣後改為六安

江國唐改廬州宋因之

國東漢國除改為盛唐縣屬廬江郡晉改為六安縣

隋改霍山縣唐置霍州復廢州改霍山為盛唐縣五

代晉改來化縣後復為盛唐縣宋為六安縣政和中

陞六安軍初屬壽春府後屬安豐軍元為六安州屬

廬州路至本朝以六安縣省入屬廬州府廬江漢之國名治合肥縣東漢改為合肥侯國隸九江郡三國屬魏為重鎮宋齊屬南汝陰郡梁置南豫州後改合州隋初改為廬州大業初改廬江郡唐為廬州屬淮南道揚吳置昭順軍南唐改保信軍宋因之屬淮南路元改為廬州路本朝初改廬州府直隸京師

已丑 五年春正月作陽陵邑募民徙居之考證

五年當書於赦之下

冬十月之上○賜為

集覽

作陽陵邑陽陵本弋陽也今改作陽陵索隱曰景帝豫作

壽陵也按趙世家趙肅侯十五年起壽陵後代因之也括地志云陽陵邑在雍州咸陽東三十里

質實

一統志云陽陵在西安府高陵縣西南三十里

○遣公主嫁匈奴單于

書法

高帝九年取家人子為長公主嫁單于不書書和親此其書公主何重帝子也自帝創有

此舉繼是不可勝書矣故先是再和親不書元年
二年必嫁公主而後書書公主嫁外蕃自景帝始
終綱目書公主嫁外蕃九是年梁辛未年隋開皇
十六年十七年十九年唐貞觀十五年乾元元年
貞元四年長慶元年貞觀新興公主書許昏不與
馬十六年書宗室女嫁外蕃二漢元封六年唐中
和三
年

○徙廣川王彭祖為趙王質實

廣川國名注見秦二世二年信都

庚寅六年冬十二月雷大霖雨

書法

綱目書雷十而書冬雷者七詳惠帝五年書霖雨六而書大者二詳秦二世二年舍是無

書大霖

雨者矣

○秋九月廢皇后薄氏考異

按景帝即位以來不書立皇后薄氏蓋漏

書法

廢辭有二書廢皇后某氏無罪之辭也皇后某氏廢有罪之辭也綱目書廢皇后自景帝

始終綱目書廢后十七薄氏成帝許氏平帝廢孝成孝哀后光武郭氏桓帝鄧氏靈帝宋氏魏司馬師廢張氏晉趙王倫廢賈氏潁廢羊氏張方再廢羊氏魏文帝馮氏魏乙弗氏齊斛律氏唐高宗王氏玄宗王氏五代蜀高氏而為臣所廢者三魏張氏晉賈氏羊氏書后廢三武帝陳氏宣帝霍氏和帝陰氏

辛卯 七年冬十一月廢太子榮為臨江王

初燕王臧荼孫女臧兒嫁王仲生男信與兩女仲死更嫁田氏生蚡文帝時臧兒長女為金王孫婦生女

俗卜筮之曰兩女皆當貴臧兒乃奪金氏婦內之太子宮生男徹及帝即位長公主嫖欲以女嫁太子榮其母栗姬以後宮諸美人皆因公主見帝怒不許公主欲予徹王夫人許之由是公主日譏栗姬而譽徹之美帝亦自賢之王夫人知帝嗾栗姬因怒未解陰使人趣大行請立栗姬為皇后帝怒曰是而所宜言邪遂按誅大行而廢太子太傅竇嬰力爭不能得乃謝病免栗姬恚恨而死

集覽

蚡蘇林曰蚡與

颯同音扶粉反生女俗為句俗所生女名也正義曰後封脩成君者長公主嫖嫖音匹消反長公主之名也景帝之妹嗾栗姬徐廣曰嗾與銜通漢書作銜注銜恨也大行百官表典客秦官景帝更名大行令又改大行為行人武帝更名大鴻臚復有大行令韋昭曰大行令鴻臚屬官也應劭曰掌郊廟行禮讚九賓

書法

前書趙君廢其太子章矣於是再見終綱目書廢太子十一書罪廢二詳周赧王十六年

發明

四年夏書立子榮為皇太子至是已閏四載未聞其有失德何為遽廢之哉景帝忌刻於

斯可見書廢而不言有罪則見廢之不以其理為可知上書廢后薄氏其義亦然

是月晦日食○春丞相青免以周亞夫為丞相罷太尉官○夏四月立夫人王氏為皇后膠東王徹為皇太子

○以郅都為中尉

始都為中郎將敢直諫嘗從入上林賈姬如廁野翫卒來入廁上目都都不行欲自救姬都伏上前曰亡一姬復一姬進天下所少寧賈姬等乎陛下縱自輕奈宗廟太后何上乃還都為人勇悍公廉不發私書問遺無所受請謁無所聽及為中尉尤嚴酷行法不避貴戚列侯宗室見都側目而視號曰蒼鷹

集

覽

賈姬索隱曰按賈姬生趙王彭祖者也號曰蒼鷹以邳都有鷹鷗搏擊之能故號之

書法

中尉未有書者至景帝始書則邳都甯成其人焉帝之刻深有以召之矣甯成中六年

壬辰
中元年夏四月赦○地震○衡山原都雨雹

大者尺

八寸

書法

前書衡山雨雹矣至是復書皆帝世也於是電大者尺八寸綱目書電二十四有五寸者

馬二年有如斗者焉安帝延光元年前有如馬頭者焉武帝元封三年有如釜者焉成帝河平二年無有大於此者矣

癸巳
二年春三月徵臨江王榮下吏榮自殺

臨江王榮坐侵太宗廟墻垣為宮微詣中尉府對簿
王欲得刀筆為書謝上而郅都禁吏不予竇嬰使人
間與之王既為書因自殺太后集覽對簿以文簿次
間之怒後竟以危法中都殺之
令其對辭也都漢書注中實實
帝建安十二年
竹仲反以危法中傷郅都也

書法

下吏之辭有三下某吏徵某下吏無罪之辭
也某以罪下吏有罪之辭也某下吏薄乎云

爾之辭也榮坐侵廟墻垣則其以無罪書何榮以
讒廢其所坐徃徃吹毛之辭耳而使自殺綱目之
所矜也終綱目書徵下獄六臨江王班勇朱穆段
熲張修王允書收下獄一郅憚捕下獄一李膺下
某吏下某獄十九詳秦二
世二年皆無罪之辭也

夏四月有星孛于西北○立子越為廣川王寄為膠東

王○秋九月晦日食○梁王武使人殺袁盎

初梁孝王以至親有功得賜天子旌旗出蹕入警王
寵信羊勝公孫詭勝詭使王求為漢嗣栗太子廢太
后欲以梁王為嗣嘗因置酒謂帝曰宮車晏駕用梁
王為繼帝跪曰諾袁盎等曰昔宋宣公不立子而立
弟以生禍亂五世不絕小不忍害大義故春秋大居
正由是太后議格梁王由此怨盎乃與勝詭謀陰使
人刺殺盎及他議臣十餘人於是天子意梁逐賊果
梁所為遣田叔往按捕詭勝詭勝匿王後宮內史韞
安國見王泣曰主辱臣死大王無良臣故紛紛至此
今勝詭不得請辭賜死王曰何至此安國泣數行下
曰大王誅邪臣浮說犯上禁撓明法天子以太后故
不忍致法太后日夜涕泣幸大王自改大王終不覺
寤有如太后宮車即晏駕大王尚誰攀乎語未卒王
泣數行下令詭勝自殺出之使鄒陽見皇后兄王信

曰長君弟得幸於上而長君行迹多不循道理者今梁王即伏誅太后無所發怒切齒側目於貴臣竊為足下憂之長君誠為上言毋竟梁事太后德長君入骨髓而長君之弟幸於兩宮金城之固也昔者象日以殺舜為事及舜立為天子封之於有庠是以後世稱之以是說天子徵幸梁事不奏長君乘間言之帝怒稍解時太后憂梁事不食日夜泣不止帝亦患之田叔等還至霸昌廐悉燒梁獄辭空手來見帝曰梁有之乎對曰死罪有之上曰其事安在田叔曰上母以梁事為問也今梁王不伏誅是漢法不行也伏法而太后食不甘味卧不安席此憂在陛下也上大然之使叔等謁太后曰梁王不知也為之者幸臣羊勝公孫詭之屬耳謹已伏誅梁王無恙也太后立起坐餐氣平復梁王因上書請朝至闕乘布車從兩騎伏斧質於闕下謝罪太后帝大喜相泣復如故然帝益疏王不與同車輦矣以田叔為賢擢為魯相

集

覽

春秋大居正公羊傳隱三年君子大居正何休學云明脩法守正最計之要者也疏云君子之人大

其適子居正不勞違禮而讓庶也死而讓開爭原也

太后議格史記梁孝王世家注如淳曰格謂竒閣不

得行張晏曰格止也蘇林曰格音閣竒音紀天子意

梁索隱曰意疑梁王使人刺之誅邪臣浮說一作誅

於邪說誅或作怵如淳曰見誘怵也音戌今俗云相

諛怵長君弟長君稱皇后兄王信也弟田蚡也育庠

寰宇記舜封象於有庠後世以道州為有庠之國國

始封今失其地漢書鄒陽傳作有卑帝王世紀作有

鼻唐通典作有鼻柳宗元寄薛伯高刺道州斥鼻亭

神事亦以庠為鼻括地志云今鼻亭神在道縣北六

十里王隱晉書云大泉陵縣北部有鼻墟乘布車降

服而自比喪人伏斧質注見秦二世三年伏鈇質

正誤

長君弟今按蚡雖王信異父弟時未甚得幸此指王皇后乃王信親弟也漢書鄒陽傳本文云

長君弟得幸後宮天下無有可見其非蚡也

質實

一統志云袁盎楚人有鼻壚名在永州府零陵

縣宗類苑云道州永州之間有地名鼻亭窮岸絕徼非人跡可歷去兩州各二百餘里緝封象於有庫蓋此地

書法

袁盎何奉常也然則曷為不書官薄梁罪也殺天子之議臣則曷為薄之不以失刑病帝

也其不以病帝何武太后所愛至為涕泣不食則帝誠有所不忍矣帝素刻薄者於是而天理之心油然而固不得以失刑病之也是故以失刑病其君則雖審食其書爵文帝三年不以失刑病其君則雖袁盎不書官綱目之權衡審矣

發明

袁盎天子之議臣梁王安得使人殺之漢法為不足道矣雖然鄭伯克段春秋譏之然則

養成其惡驕而至此獨非景帝之過歟據事直書其義自見

甲午 三年冬十一月罷諸侯御史大夫官○夏四月地震

○旱禁酤酒集覽

禁酤酒酤音工譏反賣酒也周之世音戶

書法

禁酒古也行之旱宜矣終綱目書大旱三十

帝後六年書大饑二十六書饑二十九而書救饑之政三晉元帝大興二年唐太宗貞觀二年憲宗元和四年世主之以災為玩者多矣書酒禁始此終綱目書酒禁四是年晉元帝大興四年宋乙亥年宋戊戌年書開禁二景帝後元元年宋乙巳年晉孝武大元八年書初開酒禁不書始禁蓋榷也

○立子乘為清河王質實

清河國名注見帝玄更始二年

○秋九月蝗

○有星孛于西北○是月晦日食○丞相亞夫免

初上廢栗太子周亞夫固爭之不得而梁王每與太后言亞夫短太后欲侯王信帝與亞夫議之亞夫曰高帝約非有功不侯信雖后兄無功侯之非約也帝默然而止後匈奴王徐盧等六人降帝欲侯之以勸後亞夫曰彼背其主而降侯之則何以責人臣不守節者乎帝曰丞相議不可用乃悉侯之亞夫因謝病免

以劉舍為丞相

乙未

四年夏蝗○冬十月日食考異

夏蝗當在日食下與四年同亦錯簡也

丙申

五年夏立子舜為常山王考異

五年當書於夏蝗之下冬十月之上○日

食下接夏立子舜○謹按秦始皇用鄒衍五運之說周
火德從所不勝為水德改元朝賀皆用冬十月朔提要
書曰以十月為歲首著其實也歷漢高帝至孝武百十
有餘年皆因之而不變太初元年始用夏正而前此二
年豈得獨書冬十月事於上年春秋之後乎蓋因司馬
公舊文之誤而提要未經更定呂成公大事記亦及之
今當改正

○六月赦○大水○秋八月未央宮東闕災

書法

文帝之世未央東闕書災矣七年於是再書

○九月詔獄疑者讞之

詔曰獄者人之大命死者不可復生朕甚憫之諸
獄疑若雖文致於法而於人心不厭者輒讞之

集

覽

文致於法注見宣帝地節三年文致之罪人心不
厭者輒讞之顏師古曰厭一贍反不厭不服也讞

魚列反
平議也
正誤
人心不厭今按
作入聲為優

地震

丁酉 六年冬十月梁王武來朝

王上疏欲留上不許
王歸國意忽忽不樂

改諸官名

奉常曰太常廷尉曰
大理典客曰大行令

春二月郊五時集覽

郊五時古者天子親祀上帝於郊
因以名祭時音止封土積高之所

以祭天地五帝之基址正義曰時止也神靈之所依止
或音市封禪書雍四時上帝為尊索隱曰雍有五時而

言四者顧氏以為兼下文上帝為五非也按四時據秦
舊而言秦襄公始列為諸侯而作西時文公卜居汧渭
之間而作鄜時皆非雍也至德公卜居雍而後宣公作
密時渭南祀青帝靈公作吳陽上時祀黃帝下時祀炎
帝獻公以得金瑞作畦時櫟陽祠白帝是為四時漢高
曰天有五帝今四何也待我而具遂作北時祠黑帝

○三月雨雪

書法

三月雪記異也書雪始此終綱目書冬雪一
元帝建昭二年書正月雪一宋辛丑年書二

月雪一莽丙子年書三月雪四是年武帝元鼎二
年元帝永光元年唐中宗嗣聖十八年書四月雪
二成帝建始四年陽朔四年而書大者凡三
武帝元鼎二年元帝建昭二年莽丙子年

○夏四月梁王武卒分梁地王其子五人

梁孝王薨太后哭不食曰帝果殺吾子帝哀懼不知所為乃分梁為五國盡立孝王男五人為王賈為梁王明為濟川王彭離為濟東王定為山陽王不識為濟陰王女五人皆食湯沐邑太后乃說為帝加一餐

質實

濟東國名注見獻帝興平元年東平山陽國名注見成帝河平二年濟陰國名注見光武建武

八年

更減笞法定箠令

既減笞法笞者猶不全乃更減笞三百曰二百笞二百曰一百又定箠令箠長五尺其本大一寸竹也末薄半寸皆平其節當笞者笞臀畢一罪乃更人自是笞者得全然死刑既重而生刑又輕民易犯之

書法

更減何易輕刑也前書減笞法於是書更減重予之也終綱目再書而已矣書箠令二是

年唐宣宗
大中七年

六月匈奴寇鴈門上郡

匈奴入鴈門上郡李廣為上郡守嘗從百騎出卒遇匈奴數千騎廣騎欲馳還廣曰吾去大軍數十里今走匈奴追射我立盡今我留匈奴必以我為大軍之誘不敢擊令諸騎曰前未到匈奴陳二里所令皆下馬解鞍以示不走匈奴有白馬將出護其兵廣上馬與十餘騎犇射殺之而還解鞍令士皆縱馬卧會暮敵兵終怪之不敢擊夜引而去

集覽

白馬將將之乘白馬者

秋七月晦日食○以甯成為中尉質實

甯成南陽穰人

自邳都死長安宗室多暴犯法上乃召甯成為中尉其治效邳都其廉不如然宗室豪傑人人惴恐

戊戌後元年春正月詔治獄者務先寬

詔曰獄重事也人有智愚官有上下獄疑者讞有司有司所不能決移廷尉讞而後不當讞者不為失欲令治獄者務先寬

書法

前書詔獄疑者讞之繼書更減笞法定筆令此書詔治獄者務先寬三年而書恤刑之政

三帝雖天資刻深而於刑獄亦可謂用情矣

三月赦○夏大酺五日民得酤酒考異

提要夏下有五月字

書法

於是禁六年矣

○地震

震凡二十一日
質實工庸縣名注見
堞上庸城垣
周赧王十二年

丞相舍免○秋七月晦日食

書法

景帝即位十有六年日食者八而又有日赤日暍之異西漢日食之數莫如帝世者矣

○八月以衛綰為丞相直不疑為御史大夫質實

衛綰大陵

人

初綰以中郎將事文帝醇謹無他上為太子時召文帝左右飲而綰稱病不行文帝且崩屬上曰綰長者善遇之故上亦寵任焉不疑為郎同舍有告歸誤持其同舍郎金去同舍郎疑不疑不疑買金償後告歸者至而歸金亡金郎大慙以此稱為長者人或毀不疑以為盜嫂不疑曰我乃無兄然終不自明也不疑

南陽人

下條侯周亞夫獄亞夫不食死

帝召周亞夫賜食獨置大胾無切肉又不置箸亞夫心不平顧謂尚席取箸上視而笑曰此非不足君所乎亞夫免冠謝上上曰起亞夫因趨出上目送之曰此鞅鞅非少主臣也居無何亞夫子為父買工官尚方甲楯可葬者為人所告事連汙亞

集覽

尚席索隱曰按輿服

夫召詣廷尉不食五日嘔血而死

雜事尚席官名掌武帳帷幔此非不足君所孟康曰設蔽無箸者此非不足滿於君所乎嫌恨也如淳曰非故不足君之食具也偶失之耳工官尚方索隱曰工官即尚方之工所買物屬尚方故云工官尚方如淳曰尚方少府之屬官掌工作御刀劍諸好器物

己亥 二年春正月地一日三動

書法

書地震多矣未有書動者動者何動而止者也震久而動速也震無數而動有數也綱目

書地震一百一書

地動一而已矣

○禁內郡食馬粟沒入之

以歲不登故也

夏四月詔戒二千石脩職事實

二千石注見宣帝地節三年良二千石

詔曰雕文刻鏤傷農事者也錦繡纂組害女工者也農事傷則饑之本女工害則寒之原也夫饑寒並至而能無為非者寡矣朕親耕后親桑以奉宗廟染盛祭服為天下先不受獻減大官省繇賦欲天下務農

蠶素有蓄積以備災害彊無攘弱衆無暴寡老者以
壽終幼孤得遂長今歲或不登民食頗寡其咎安在
或詐偽為吏以貨賂為市漁奪百姓侵牟萬民縣丞
長吏也姦法與盜盜甚無謂也其令二千石各脩其
職不事官職耗亂者

集覽

纂組許慎曰纂赤組也應
幼曰組今綬紛條是也以

丞相以聞請其罪
貨賂為市弄法受財若市賈之交易漁奪言掊克其
民若漁獵然侵牟牟食苗根蠹也侵牟食民比之牟
賊姦法與盜盜姦欺也漢書作奸注音干犯也與盜
盜者共盜為盜耳耗亂食貨志官職耗廢顏師古曰
耗莫報反亂也苟
子多而亂曰耗

詔訾算四得官

詔曰今訾算十以上廼得官廉士莫不必衆朕甚
愍之訾算四得官亡令廉士久失職貪夫長利

集

覽訾箕十應劭曰十箕
十萬也訾與貴同

秋大旱

庚子 三年冬十月日月皆赤

凡五

日

十二月雷日如紫五星逆行守太微月貫天廷中集覽

太微天官書衡太微三光之廷宋均曰太微天帝南宮也正義曰太微宮垣十星在翼軫之地天子之宮五星之坐天廷索隱曰即龍星右角也石氏星傳云龍星左角曰天田右角曰天廷

書法

日月赤凡五日大異也踰月而日復如紫月貫天廷又有五星逆行守太微之變乾象莫大

於七政咎徵並見曾不改月變孰大焉未幾而國
有大喪變不虛生信矣哉日月赤日如紫終綱目
各一書而已矣

發明

景帝自三年平七國後至此凡十二年間書
日食七地震四星孛蝗各二雨雹冬雷大霖
雨大水春雨雪東關災秋大旱皆一見是年所書
日月皆赤等災尤為可畏帝非有甚失德也特以
刻忌少恩故爾鼂錯以忠謀殺皇后太子以無罪
廢丞相亞夫以守正不阿死此皆非小故也上天
變異夫豈適然惟合先後所書而考之則帝
之得失粲然可知人主其無曰天道遠云

○春正月詔勸農桑禁采黃金珠玉

詔曰農天下之本也黃金珠玉饑不可食寒不可衣
間歲或不登意為末者衆農民寡也其令郡國務勸

農桑益種樹可得衣食物吏發民若取庸采

集覽

間歲

黃金珠玉者坐贓為盜二千石聽者與同罪

間猶言近間發民若取庸顏師古

曰發用也取庸謂因其資以雇庸

帝崩太子徹即位

年十

六

書法

賀善贊曰景帝之資素號刻深以所書考之殺鼂錯廢薄后殺太子榮獄周亞夫皆其病

根之發見者也然觀其從田叔之言置梁事於不問亦庶幾易悟者中五年以後三年而書恤刑之政三則君子蓋未嘗深絕之

尊皇太后為太皇太后皇后為皇太后二月葬陽陵質

實

陽陵注
見五年

班固曰孔子稱斯民也三代之所以直道而行也信哉周秦之敝罔密文峻而姦宄不勝漢興掃除煩苛與民休息至于孝文加之以恭儉孝景遵業五六十載之間至於移風易俗黎民醇厚周云成康漢言文景美矣又曰漢初接秦之弊作業劇而財匱自天子不能具鈞駟而將相或乘牛車齊民無藏蓋天下已平高祖乃令賈人不得衣絲乘車重租稅以困辱之孝惠高后時為天下初定復弛商賈之律然市井之子孫亦不得仕宦為吏量吏祿度官用以賦於民漕轉山東粟以給中都官歲不過數十萬石繼以文景清淨恭儉安養天下七十餘年之間國家無事非遇水旱則人給家足都鄙廩庾皆滿而府庫餘貲財京師之錢累鉅萬貫朽而不可較太倉之粟陳陳相因充溢露積於外至腐敗不可食衆庶街巷有馬乘字

牝者擯而不得聚會守閭閻者食梁肉為吏者長子
孫居官者以為姓號故人自愛而重犯法先行義
而後絀辱焉然罔疏民富役財驕溢或至兼并豪黨
之徒以武斷於鄉曲宗室有土公卿以下爭于奢侈
僭上無戾物盛而哀固其變也自是之後孝武內窮
侈靡外興甲兵天下蕭然財力耗矣胡氏曰文景養
民厚矣稽諸仲尼之言則亦富庶之而已未有以教
之也然文帝寬厚長者以德化人無事則謙抑如不
能有事則英氣奮發景帝刻薄任數以詐力御下平
居則誅賞肆行緩急則惴慄失措其大致懸絕如此
而又以無寵廢正后而夫婦之道薄以無罪廢太子
而父子之恩睽過愛梁王輕許傳位而兄弟之好不
終信讒用譖絀申屠嘉戮鼂錯殺周亞夫而君臣之
道乖缺其視文帝益相遜矣獨節儉愛民一事克遵
前業耳夫豈可與**集覽**罔密禁防如同之密文峻文
成康同得美稱哉**法深峻也**鈞駟索隱曰天子

駕駟馬其色宜齊同言當時國家貧天子不能具鈞
色之駟馬漢書作醇駟注醇與純通一色也駟或作
梓誤也齊民平準書注如淳曰齊等無有貴賤故曰
齊民若今言平民矣漢武時所忠言世家子弟富人
亂齊氏索隱曰晉灼云中國被聲教齊整之人也唐
太宗曰百萬部落可化為齊民注齊民平民也記王
制曰古者公田藉而不稅其法計口授田初無貧富
不均之患故曰齊民言民業均齊也無藏益食貨志
注蘇林曰無物可藏也月令孟冬命百官謹藏
注府庫困倉有藏物也藏才浪反又如字唐百官志
考功注漢書音義曰皆乘父馬有北馬問其間則相
準書注漢書音義曰皆乘父馬有北馬問其間則相
蹤醫故斥不得聚會為吏者長子孫如淳曰時無事
吏不數遷至於子孫長大而不轉職任居官者以為
姓號以官名為姓氏如淳曰倉氏庾氏則倉庫吏之
後也重犯法重難也以武斷於鄉曲平準書注索隱

曰鄉曲豪富無官位而以威勢主斷曲直故曰武斷
戰國秦策出婦嫁鄉曲者注高誘曰曲者里之一曲
如韋曲杜曲爭于奢侈于字疑誤一本
作爭事任數任用也數謂智數術數
肯輕易
犯法也

辛丑 世宗孝武皇帝建元元年考異

按歲年例曰正統於
橫行之下朱書諡號

年疏墨書末年據此世宗孝武皇帝建元八字皆當
易以白字後凡正統諡號年號皆當易以白字為是冬

十月舉賢良方正直言極諫之士以董仲舒為江都相
治申韓蘇張之言者皆罷之

舉賢良方正直言極諫之士上親策問之廣川董仲
舒對曰臣謹按春秋之中視前世已行之事以觀天

人相與之際甚可畏也國家將有失道之敗而天迺
先出災害以譴告之不知自省又出怪異以警懼之
尚不知變而傷敗乃至以此見天心之仁愛人君而
欲止其亂也自非大亡道之世者天盡欲扶持而全
安之事在勉強而已矣勉強學問則聞見博而知益
明勉強行道則德日起而大有功此皆可使還至而
立有效者也故聖王已沒而子孫長久安寧數百歲此皆
禮樂教化之功也夫人君莫不欲安存而惡危亡然
而政亂國危者甚衆所任者非其人而所繇者非其
道是以政日以仆滅也夫周道衰於幽厲非道亡也
幽厲不繇也至於宣王思昔先王之德興滯補敝明
文武之功業周道粲然復興上天祐之為生賢佐後
世稱誦至今不絕此夙夜不懈行善之所致也故治
亂興廢在於已非天降命不可反也臣聞命者天之
令也性者生之質也情者人之欲也堯舜行德則民

仁壽桀紂行暴則民鄙天有治亂之所生故不齊也
王者欲有所為宜求其端於天天道之大者在陰陽
陽為德陰為刑主殺而德主生是故陽常居大夏
而以生育長養為事陰常居大冬而積於空虛不用
之處以此見天之任德不任刑也王者承天意以從
事故任德教而不任刑也今廢先王德教之官獨任
執法之吏而欲德教之被四海難矣為人君者正心
以正朝廷正朝廷以正百官正百官以正萬民正萬
民以正四方四方正遠近莫敢不壹於正而亡有邪
氣奸其間者是以陰陽調而風雨時羣生和而萬物
殖諸福之物可致之祥莫不畢至而王道終矣今陛
下貴為天子富有四海行高而恩厚知明而意美愛
民而好士可謂誼主矣然而天地未應而美祥莫至
者凡以教化不立而萬民不正也夫萬民之從利如
水之走下不以教化隄防之不能止也古之王者莫
不以教化為大務立學校以教於國設庠序以化於

邑漸民以仁厚民以誼節民以禮故其刑罰甚輕而
禁不犯者教化行而習俗美也聖王之繼亂世也掃
除其跡而悉去之復修教化而崇起之教化已明習
俗已成子孫循之行五六百歲尚未敗也至秦滅先
聖之道而專為自恣苟簡之治故立為天子十有四
年而亡然其遺毒餘烈至今未滅使習俗薄惡人民
頑嚚雖欲善治之亡可奈何法出而姦生令下而詐
起譬之琴瑟不調甚者必解而更張之乃可鼓也為
政而不行甚者必變而更化之乃可理也漢得天
以來常欲治而至今不可善治者失之於當更化而
不更化也上復策之仲舒對曰臣聞聖王之治天下
也少則習之學長則材諸位爵祿以養其德刑罰以
威其惡故民曉於禮誼而耻犯其上武王行大誼平
殘賊周公作禮樂以文之至於成康圖圖空虛四十
餘年此教化之漸而仁義之流也至秦則不然師申
韓之說憎帝王之道以貪狼為俗誅名而不察實為

善者不必免而犯惡者未必刑也是以百官皆飾虛辭而不顧實外有事君之禮內有背上之心造偽飾詐趨利無耻是以刑者甚衆死者相望而姦不息俗化使然也今陛下并有天下莫不率服而功不加於百姓者殆王心未加焉曾子曰尊其所聞則高明矣行其所知則光大矣高明光大不在於他在乎加之意而已願陛下因用所聞設誠於內而致行之則三王何異哉陛下夙寤晨興務以求賢亦堯舜之用心也而未云獲者士不素厲也夫不素養士而欲求賢譬猶不琢玉而求文米也故養士莫大乎太學太學者賢士之所關也教化之本原也願興太學置明師以養天下之士數考問以盡其材則英俊宜可得矣郡守縣令民之師帥所使承流而宣化也師帥不賢則主德不宣恩澤不流今吏既亡教訓于下或不承用主上之法暴虐百姓與姦為市貧窮孤弱冤苦失職甚不稱陛下之意是以陰陽錯繆氛氣充塞羣生

寡遂黎民未濟也夫長吏多出於郎中中郎吏二千
石子孫選郎吏又以富訾未必賢也且古所謂功者
以任官稱職為差非謂積日累久也故小材雖累日
不離於小官賢材雖未久不害為輔佐是以有司竭
力盡知務治其業而以赴功今則不然累日以取貴
積久以致官是以廉耻貿亂賢不肖混殽未得其真
也臣愚以謂使諸列侯郡守各擇其吏民之賢者歲
貢各三人以給宿衛且以觀大臣之能所貢賢者有
賞所貢不肖者有罰夫如是諸侯吏二千石盡心於
求賢天下之士可得而官使也毋以日月為功實試
賢能為上量材而授官錄德而定位則廉耻殊路賢
不肖異處矣上三策之仲舒復對曰臣聞天者羣物
之祖故遍覆包函而無所殊聖人法天而立道亦溥
愛而無私春者天之所以生也仁者君之所以愛也
夏者天之所以長也德者君之所以養也霜者天之
所以殺也刑者君之所以罰也孔子作春秋上揆之

天道下質諸人情參之於古考之於今故春秋之所
譏災害之所加也春秋之所惡怪異之所施也書邦
家之過兼災異之變以此見人之所為其美惡之極
乃與天地流通而往來相應此亦言天之一端也天
令之謂命命非聖人不行質樸之謂性性非教化不
成人欲之謂情情非制度不節是故王者上謹於承
天意以順命也下務明教化民以成性也正法度之
宜別上下之序以防欲也修此三者而大本舉矣人
受命於天固超然異於羣生入有父子兄弟之親出
有君臣上下之誼會遇相聚有耆老長幼之施粲然
有文以相接驩然有恩以相愛故孔子曰天地之性
人為貴明於天性知自貴於物然後知仁誼知仁誼
然後重禮節重禮節然後安處善安處善然後樂循
理樂循理然後謂之君子臣又聞之聚少成多積小
致鉅故聖人莫不以晦致明以微致顯是以堯發於
諸侯舜興乎深山非一日而顯也盖有漸以致之矣

言出於已不可塞也行發於身不可掩也言行治之大者君子之所以動天地也故盡小者大慎微者著積善在身猶長日加益而人不知也積惡在身猶火銷膏而人不見也此唐虞之所以得令名而桀紂之可為悼懼者也夫樂而不亂復而不厭者謂之道道者萬世亡敝敝者道之失也先王之道必有偏而不起之處故政有眊而不行舉其偏者以補其弊而已矣三王之道所祖不同非其相反將以救溢扶衰所遭之變然也故王者有改制之名無變道之實夏尚忠殷尚敬周尚文者所繼之揅當用此也道之大原出於天不變道亦不變是以禹繼舜舜繼堯三聖相授而守一道無揅敝之政也由是觀之繼治世者其道同繼亂世者其道變今漢繼大亂之後若宜少損周之文致用夏之忠者夫古之天下亦今之天下共是天下以古準今壹何不相逮之遠也意者有所失於古之道與有所詭於天之理與夫天亦有所分

予予之齒者去其角傅之翼者兩其足是所受大者
不得取小也古之所予祿者不食於力不動於末與
天同意者也夫已受大又取小天不能足而况人乎
此民之所以囂囂苦不足也身罷而載高位家溫而
食厚祿因乘富貴之資力以與民爭利於下民安能
如之哉民日削月朘寢以大窮富者奢侈羨溢貧者
窮急愁苦民不樂生安能避罪此刑罰之所以蕃而
姦邪不可勝者也天子大夫者下民之所視倣遠方
之所四面而內望也豈可以居賢人之位而為庶人
行哉夫皇皇求財利常恐乏匱者庶人之意也皇皇
求仁義常恐不能化民者大夫之意也若居君子之
位當君子之行則舍公儀休之相魯無可為者矣春
秋大一統者天下之常經古今之通誼也今師異道
人異論百家殊方指意不同是以上無以持一統法
制數變下不知所守臣愚以為諸不在六藝之科孔
子之術者皆絕其道勿使並進邪辟之說滅息然後

統紀可一而法度可明民知所從矣天子善其對以仲舒為江都相丞相衛綰因奏所舉賢良或治申韓蘇張之言亂國政者請皆罷奏可仲舒少治春秋為博士進退容止非禮不行學士皆師尊之及為江都相事易王王帝兄素驕好勇仲舒以禮匡正王敬重焉嘗問之曰粵王句踐與大夫泄庸種蠡伐吳滅之寡人以為粵有三仁何如仲舒對曰昔魯君問伐齊於柳下惠惠有憂色曰吾聞伐國不問仁人此言何為至於我哉徒見問耳猶且羞之况設詐以行之乎夫仁人者正其誼不謀其利明其道不計其功是以仲尼之門五尺之童羞稱五伯為其先詐力而後仁義也繇此言之則粵未嘗有一仁也王曰善後公孫弘亦治春秋而希世用事仲舒以弘為從諛弘嫉之以膠西王亦上兄尤縱恣數害吏二千石言於上使仲舒相之王素聞其賢善待之仲舒兩事驕王皆正身以率下所居而治及去位家居不問產業專以講

學著書為事朝廷有大議使使就問之其對皆有明
法程子曰正其誼不謀其利明其道不計其功此董
子所以度越諸子也與又曰漢

集覽

還至還讀曰旋
碩囂左傳心不

之諸儒唯董子有儒者氣象
則道義之經為碩口不道忠信之言為囂材諸位隨
其材而授之位囂圖秦獄名囂今之使聆也圖語之
使悟也申韓之說申不害者故鄭之賤臣韓非者韓
之諸公子皆善刑名法術之學揚子問道篇申韓之
術不仁之至矣貪狼狼性貪故謂貪為貪狼誅名誅
責也與姦為市小吏姦欺者守令不舉乃反與之交
易求利敝者道之失顏師古曰言有敝非道由失道
故有敝也致用夏之忠致至極也原父曰或讀致屬
上句非予之齒者去其角顏師古曰牛無上齒則有
角其餘無角者則有上齒羅壁曰參之頭角實然按
韻書角字注刀下用音椎頭骨上出也兩點下用音
鹿字崔嵬佺嘗辨正二字未釋其義余按詩行露篇

誰謂雀無角陸氏注雀有味無角且援東漢注角謂
甯故晦庵集傳作鹿音番易董敬庵饒雙峯上足亦
謂角鳥味骨也鳥有味者無齒獸有齒者無味此天
有所分予也傳之翼傳讀曰附著也所予祿者不食
於力不動於末力謂農民之力末謂工商之業此即
公儀休不與民爭利之說日削月朘孟康曰削刻也
朘音宣謂轉褻踧也蘇林曰朘音鋤俗語謂縮朒為
朘縮公儀休之相魯史記公儀休相魯使食祿者不
得與民爭利之其家茹葵而美愠而拔去其葵見其
家織帛好怒而出其婦曰令農夫工女安所售其貨
乎春秋大一統公羊傳隱元年春王正月何言乎王
正月大一統也注統始也王者始受命改制以統天
下令萬物無不一皆奉承之以為始故言大一統
蘇張蘇秦為六國合從以抗秦張儀為秦相連衡以
御六國易王名非武帝兄江都易王也諡法好更改
舊曰易句踐春秋越王名其先夏少康庶子也句古

侯反泄庸種蠡泄庸文種范蠡越之三賢大夫也吳越春秋泄作洩音薛姓也庸作容名也種上聲高誘曰種名也姓文字子禽蠡音禮名也姓范五伯顏師古曰伯讀白霸溫公曰五伯職廢乃轉為霸左傳五伯之霸注霸把也把持天子之政也
正誤 致用夏之五伯謂齊桓晉文宋襄楚莊秦繆
用猶言取而用之不食於力今按不食於力非獨不自食其力蓋謂不使其家為勞力種植之事以收其利為食也亦不與民爭利之意故
質實 一統志云廣上文云所受大者不得取小也
屬渤海郡晉宋因之北齊廢隋復置屬德州仁壽初改名長河縣唐初廢之故址在河間府城南二百里
景州西南江都國名注見後王建興二年廣陵郡

書法

特筆也文帝之世再書賢良方正直言極諫矣不書所罷於是特書治申韓蘇張之言皆

罷之嘉統一也終綱目書舉賢良方正直言極諫
三書舉賢良方正三書舉賢良文學一書舉賢良

二書直言極諫三詳文帝
二年而書所罷者一而已

發明

三者亦未易多得禹湯文武皆創業之君至其

子孫不過啓少康盤庚武丁成康宣王此數君而
已太甲初年顛覆典刑宣王未免詩人之刺三代
千八百有文景文帝固盛德之主至景已有慚德武
傳而繼之傑然有立觀其即位之始他務未遑首舉
賢良方正親策於廷又得一代大儒為之舉首於
是罷黜百家俾世之學者知尊孔氏此皆漢世之
所未發明者方是時也如水未波如鑑未塵使帝
每事若此其盛德可少訾哉夫何數年之後遊宴
奢慾宮室神仙聚歛征伐之事紛紛交舉漢之不

為秦者幸爾觀綱目初年所書清淨簡寡與後來
擾擾多事相去遠甚然後知人主資稟之高者未
必不有進銳退速之患而始終全德之君在三代
而下益不易得也詩曰靡不有初鮮克有終觀此
可不謹終
如始云

春二月赦○行三銖錢○夏六月丞相綰免以竇嬰為
丞相田蚡為太尉趙綰為御史大夫王臧為郎中令迎
申公為太中大夫

上雅嚮儒術嬰蚡俱好儒推轂趙綰為御史大夫王
臧為郎中令綰請立明堂薦其師申公上使使者奉
安車蒲輪束帛加璧迎之既至問治亂之事申公年
八十餘對曰為治者不在多言顧力行何如耳時上

方好文詞見申公對默然然已招致則以為太中大
夫舍魯邸議明堂巡狩改歷服色事胡氏曰申公之
言當矣第未知所謂力行者何事耳申公開端而未
告武帝弗意而不問惜哉然明堂巡狩改歷服色豈
力行之急務哉對既不合又留

集覽

嬰蚡竇嬰田蚡
明堂夏曰世室

商曰重屋周曰明堂後世皆因之明堂者所以明諸
侯之尊卑制禮作樂頒度量而天下服此古制也三
輔黃圖云明堂者大道之堂所以順四時行月令宗
祀先王祭五帝也孝經援神契曰布政之宮在國之
陽上圓下方八窓法八風四閏法四時九室法九州
十二重法十二月三十六戶法三十六旬七十二牖
法七十二候元封二年公玉帶上黃帝時明堂圖胡
氏管見曰其制作之詳不可得而聞矣孝經以為宗
祀之所孟子以為王政之堂然則是天子之外朝猶
後世大朝會之正衙也安車蒲輪用蒲裹車輪取其

安也索隱曰以蒲裏輪恐傷草木也且蒲是草之美者故禮有蒲壁蓋或繪畫之以為榮飾束帛加壁記禮器束帛加壁尊德也謂下設束帛上加以壁鄭玄曰貢享所執致命者君子於玉比德焉尚書玉帛圖璧玉也肉倍於好其形圓其中虛束帛者十端帛也古者制帛其長丈八其束十端或素或玄纁其色不同韓詩外傳謂卷五匹展王者曲折隱淪之義服虔曰謂卷其帛為二端五匹遂見十端也羅壁識遺曰大祀用幣皆一丈八尺為度按一象陽八象陰寓陰陽不測也禮聘束帛用二丈為端則寓偶數色尚玄纁玄天色纁地色天地偶合也顧力正誤顧力行何如顧念也力行謂勉力而行也正誤如耳今按顧字在句首者有發語辭有反語辭有眷戀之意有當為但視之義者此處及顧王策安決耳之類是也

質實

實嬰觀津人田蚡
長陵人申公魯人

書法

迎者何備禮也聘召書迎始此終綱目聘召書迎五是年申公莽辛未年龔勝光武建武

五年耿況唐敬宗寶歷二年周息元宣宗大中十一年軒轅集劉賈於黥布張邈於呂布鮮于輔於劉和劉璋於劉備趙於段遼不與焉自漢以前所迎者賢士也自唐以後所迎者道士也世主之好尚可見矣

壬寅二年冬十月淮南王安來朝

上以安屬為諸父而才高甚尊重之

趙綰王臧下吏自殺丞相嬰太尉蚡免申公免歸以石建為郎中令石慶為內史

太皇太后好黃老言不悅儒術趙綰請毋奏事東宮
太后大怒陰求綰滅姦利事以讓上上因廢明堂事
下綰滅吏皆自殺嬰蚡免申公亦以疾免歸初景帝
以石奮及四子皆二千石號奮為萬石君萬石君無
文學而恭謹無與比子孫為小吏來歸謁必朝服見
之不名有過失不責讓為便坐對案不食然後諸子
相責因長老肉袒謝罪改之乃許子孫勝冠者在側
雖燕居必冠其執喪哀戚甚悼子孫遵教皆以孝謹
聞及綰滅獲罪太后以為儒者文多質少今萬石君
家不言而躬行乃以其子建為郎中令慶為內史建
在上側事有可言屏人恣言極切
集覽 為便坐索隱
至廷見如不能言者上以是親之
為是而坐於便室也別坐之處曰便坐故王者所居
有便殿便房義亦然也文翁傳在便坐受事顏師古
曰便坐非正廷也因長老因託年長老成以請
罪燕居謂間燕居家時燕與宴通詩宴宴居息
質實

石建趙人奮之子
石慶建之弟也

書法

下吏之辭三下某吏無罪之辭也某以罪下吏有罪之辭也某下吏薄乎云耳之辭也終

綱目書某下吏某下獄十一趙綰青翟丞相周李廣利妻子大司徒涉梁松祭彤樊豐賀若弼范履

永張

昌宗

發明

武帝名為好儒所用特綰臧輩爾仲舒醇儒廼棄之侯國殆與葉公好龍何異然綰臧見

用纔半載其死也不書有罪與嬰蚡之免皆然蓋其惑於家庭黃老之說胷中初無定見如此好儒之實果安在哉

春二月朔日食○三月以許昌為丞相○以衛青為太

中大夫

陳皇后驕妬擅寵而無子寵寢衰上嘗過姊平陽公主悅謳者衛子夫主因奉送入宮恩寵日隆皇后恚幾死者數矣子夫同母弟青冒姓衛氏為侯家騎奴名為建章監侍中既而以子夫為夫人青為太中大夫

集覽

平陽公主如淳曰即陽信長公主也為曹參曾孫平陽夷侯曹壽所尚故稱平陽公主青

冒姓衛氏冒假稱也猶人首之有覆冒也青之父鄭季為縣吏給事平陽侯家與侯妾衛媼通而生青故冒姓衛侯家平陽侯之家建章晉灼曰建章宮在上林苑中正義曰在長安西北二十里長安故城中

質實

衛青平陽人建章宮名注見太初元年

夏四月有星如日夜出

書法

記異也綱目記星變有如日者焉是年有如月者焉昭帝元平元年有如杯椀者焉唐僖

宗中和元年莫甚於如日者矣

○置茂陵邑集覽

茂陵武帝陵邑屬扶風郡本槐里縣之茂鄉在長安城西北八十里質

實

一統志云茂陵漢之縣名武帝折槐里縣置之東漢廢入興平縣故城在西安府城西北一百里

癸卯 三年冬十月中山王勝來朝

議者多寃鼂錯之策務摧折諸侯王數奏暴其過惡吹毛求疵諸侯王莫不悲怨至是置酒勝間樂聲而泣上問其故勝具以吏所侵聞上乃厚諸侯之禮省有司所奏諸侯事加親親之恩焉

河水溢于平原

書法

書河溢始此終綱目書河溢九是年成帝鴻嘉四年桓帝永興元年靈帝光和六年晉元

帝建武元年唐中宗嗣聖十年十六年玄宗開元十四年十五年河漲一唐昭宗乾寧三年而河決

不與

焉

○大饑人相食

書法

漢初書關中饑人相食矣丙申年於是再見綱目書人相食十詳丙申年而武帝之世居

二焉是年元鼎三年

○秋七月有星孛于西北○閩越擊東甌遣使發兵救

之遂徙其衆於江淮間

初閩越發兵圍東甌東甌使人告急天子問田蚡對曰越人相攻擊固其常又數反覆自秦時棄不屬不足以煩中國往救也莊助曰小國以窮困來告急天子不救又何以子萬國乎且秦舉咸陽而棄之何但越也上曰太尉不足與計吾新即位不欲出虎符發兵郡國乃遣助以節發兵會稽會稽守欲距法不為發助乃斬一司馬喻意乃發兵浮海救東甌未至閩越引兵罷東甌請舉國內徙乃悉舉其衆來處於江

淮之集覽

棄不屬句絕謂久已棄之不臣屬於中華

為發顏師古曰距法謂以法質實閩越國名本秦之距之而不發兵為無符驗也

質實

閩越國中郡漢初封無

諸為閩越王都此武帝滅閩越徙其人於江淮間盡虛其地後立冶縣屬會稽郡東漢末置都尉此為南郡三國吳屬建安郡晉分置晉安郡劉宋改晉平郡尋復故陳兼置閩州後改豐州隋改泉州大業初復

為閩州尋改為建安郡治閩縣唐初復為泉州後移治晉江縣而以此為閩州開元中改為福州天寶初改長樂郡乾元初復為福州唐末陞威武軍節度五代時王審知據此陞長樂府改彰武軍宋復為威武軍建炎中陞福州府元至元中為福州路本朝改為福州府為福建道治所仍屬焉

書法

字兵衆也綱目上書呈李下書發兵救東甌雖間有事不書意可見矣然則書遂何救之

可也從其衆過矣

九月晦日食○帝始為微行遂起上林苑

上招選天下文學材知之士簡拔其俊異者寵用之莊助朱買臣吾丘壽王司馬相如東方朔枚臯終軍等並在左右每令與大臣辨論中外相應以義理之文大臣數屈焉然相如特以辭賦得幸朔臯不根持

論好歌詣上以俳優之朔時直諫有所補益是歲
上始為微行與左右能騎射者期諸殿門常入南山
下射獵馳騫木稼之地民皆號呼罵詈鄠杜令欲執
之示以乘輿物乃得免又嘗夜至相谷逆旅主人疑
為姦盜聚少年欲攻之主人嫗睹上狀貌而異之止
其翁不聽飲翁以酒醉而縛之少年皆散走後乃私
置更衣十二所又使吾丘壽王除上林苑屬之南山
東方朔進諫曰夫南山天下之阻陸海之地也山出
玉石金銀銅鐵良材百工所取給萬民所仰足也又
有杭榴梨栗桑麻竹箭之饒土宜薑芋水多蠅魚貧
者得以給足無饑寒之憂故鄠郾之間號為土膏其
賈畷一金今規以為苑絕陂池水澤之利而取民膏
腴之地上乏國用下奪農業其不可一也盛荊棘之
林大虎狼之墟壞人冢墓發人室廬其不可二也垣
而圍之騎馳車騫有深溝大渠夫一日之樂不足以
危無隄之與其不可三也且殷作九市之宮而諸侯

畔靈王起章華之臺而楚民散秦興阿房之殿而天下
亂糞土愚臣逆盛意罪當萬死上乃拜朔為太中
大夫給事中賜黃金百斤然遂起上林苑工又好自
擊熊豕野獸司馬相如諫曰陛下好陵險阻射猛獸
卒然遇逸材之獸駭不存之地犯屬車之清塵輿不
及還轅人不暇施巧雖有鳥獲逢蒙之技不得用枯
木朽株盡為難矣雖萬全而無患然本非天子之所
宜近也且夫清道而後行中路而後馳猶時有銜檠
之變况乎涉豐草騁丘虛前有利獸之樂而內無存
變之意其為害也不難矣夫輕萬乘之重不以為安
樂出萬有一危之塗以為娛臣竊為陛下不取蓋明
者遠見於未萌而知者避危於無形既固多藏於隱
微而發於人之所忽者也故鄙諺曰家累千金坐不
垂堂此言雖小可以諭大上善之

集覽

吾丘

壽王吾丘或作虞丘複姓也名壽王字子翹不根猶
言不經也枚臯傳作不通經術持論好詆諆譏戲

也諧和韻之言俳優俳戲優倡也齊奏宮中之樂俳優侏儒戲於前孔子曰匹夫熒惑諸侯罪應誅見家語鄆杜令鄆杜二縣名也令猶長也鄆注見桓帝延熹七年杜注見秦二世元年柏谷塢名也除上林苑除治也上林在渭水南地方三百里初漢嘗令民得入田今除治為苑屬之南山屬朱欲反連也苑東南至藍田宜春鼎湖御宿昆吾旁南山而西至長楊五柞北繞黃山瀕渭水而東印足印古仰字去聲資仰給足也鄆鄆鄆通作豐鄆通作鎬音下老反徐廣曰豐在京兆鄆縣東有靈臺鎬在上林昆明北有鎬池張揖曰豐水出鄆縣南山豐谷北入渭鎬水在昆明池北索隱曰鄆臨豐水東去鄆二十五里皆在長安西南數十里賈晦一金賈與價通瓚曰秦以一金為一金漢以一斤為一金顏師古曰諸言賜黃金者實與之金其不言黃者一金為萬錢也孟康曰二十四兩為鎰之虛虛通作壺大丘也不足以危無堤之與

劉原父曰不當作亦隄猶防也言車輿馳騁不為防慮必有顛危之變九市之宮紂於宮中設九市章華之臺在南郡華容縣城中楚靈王作章華宮納亡人實之卒有乾谿之禍按華容今江陵府監利縣是阿房之殿注見秦始皇三十五年駭不存之地劉貢父曰不存猶言不慮也下文云無存變之意其為害也不難矣索隱曰謂所不慮而猛獸駭發也烏獲姓名索隱曰秦武王之力士也舉龍文鼎者逢蒙姓名夏太康時人孟子逢蒙學射於羿揚子逢蒙分其弓注逢音皮江反荀子王霸篇作蠭門淮南子王褒頌作逢門七略作蠭蒙字異而音義同盡為難矣難乃旦反史記作盡為害矣銜檠之變徐廣曰銜馬勒也檠車鉤心也音鉅月反劉貢父曰銜檠之變謂馬銜或斷車心或出則致傾敗而傷人坐不垂堂索隱曰畏簷瓦墮中人也樂彥云垂邊也正誤按嚴助傳翔堂邊謂恐其墮墜耳非謂畏簷瓦

臯不根持論工頗俳優畜之顏師古注論議委隨不能持正如樹木之無根柢也一日之樂不足以危無隄之輿今按不如字張晏曰一日之樂謂田獵也劉原父曰車輿馳騁必有顛危之變蘇林曰輿乘輿也

不敢斥天子故言輿也言一日田獵之樂能幾何足以此而危殆無所隄障之車輿哉淮南王安諫擊閩

越書云塞外之地何足以為一日之間

音質實

一統

閑注間暇之娛也而煩汗馬之勞乎即此意

志云柏谷塢名在河南府永寧縣劉宗袁湛隨武帝

軍至洛陽屯於此上林苑注見秦始皇二十六年南

山注見文帝二年莊助會稽人朱買臣會稽人吾丘

壽王趙人司馬相如成都人東方朔平原厭次人枚

臯淮陰人終軍濟南人鄧鄙夏熒曰文王自岐遷豐

武王自豐遷鎬故曰豐鎬張九韶曰豐周之色名故

城在西安府臨潼縣東北鎬周之京名故城在西安

府咸陽縣西南章華臺在荊州府境有二一在府城

外沙市一在監利縣東北皆傳以為楚靈王所築其在監利者又名三休臺按賈子曰翟王使使之楚楚王誇之饗于章華之臺三休乃至臺名三休疑取諸此也

書法

盧生教始皇為微行不書於是始書非創也則其書始何終身之辭也帝在位五十餘年

甫三年已若此矣以為不可勝書書其始而已終綱目書微行三三年鴻嘉元年元嘉元年而書始者二武帝成帝皆其甚者也書苑始此終綱目書作苑八是年上林光和三三年畢圭靈昆晉永和三年趙華林元興二年燕龍騰宋辛酉年魏纂苑丙子年魏野馬已亥年宋上林隋大業元年西苑

發明

武帝踐祚未久輕舉妄動已見於此夫人君繼體承祧所繫甚重出警入蹕清道後行烏

可肆其輕能身為匹夫之舉向使柏谷主人之計得行其危豈不甚哉書始為微行則輕宗廟褻神

器棄萬乘之尊失人君之體具見于此况又因之起苑囿之役乎

甲辰

四年夏有風如血考異

提要血下有赤字

書法

書雨血矣惠帝四年未有書風如血者有風如血大異也終綱目書大風十三詳元光五

年書如血

一而已

○早○秋九月有星孛于東北考異

提要東作西

乙巳

五年春罷三銖錢行半兩錢○置五經博士

書法

書置博士何嘉尊經也書置博士始此終綱目書置經博士三年晉安帝隆安三年魏

梁乙酉年律博士後主建興十年隋癸卯年仙人博士晉安帝隆安四年立學博士唐玄宗開元二

十五年

不與焉

夏五月大蝗

丙午六年春二月遼東高廟災。夏四月高園便殿火。帝

素服五日

書法

書素服重宗廟也。書火始此。書廟災始此。書廟火始此。終綱目書災十六。詳文帝七年而

書廟災

一是年書火十二。是年昭帝元鳳四年宣

帝甘露元年桓帝建和二年延熹四年再書晉惠

帝元康五年齊唐辰年隋煬帝大業十二年唐中

宗嗣聖十一年玄宗天寶十載五代辛丑年而書

廟火三。是年元鳳

四年甘露元年

五月太皇太后崩考異

右下漏竇氏二字

○六月丞相昌免以

田蚡為丞相考證

上條五月上漏圖子

蚡驕侈治宅甲諸第田園極膏腴聽受四方賂遺每入奏事坐語移日所言皆聽薦人或起家至二千石權移主上上乃曰君除吏已盡未吾亦欲除吏嘗請考工地益宅上怒曰君何不遂取武庫是後乃稍退

集覽

考工地如淳曰考工少府官屬也百官表少府有考工室工作器械之所

秋八月有星孛于東方長竟天

書法

孛兵象也前書孛于西北繼書救東甌此書孛于東方繼書擊閩越後書孛于東北長星

出西北繼書擊匈奴天道恒象綱目之示戒至深切著明矣綱目書孛五十三而武帝之世凡七書

帝之窮黷有以名之也至書長竟天則終綱目一而已然則昭宣彗長竟天而唐以亡天祐二年武帝李長竟天則止於兵禍何也彗之與李盖有間矣故綱目書李五十三而書彗止於十有七

○閩越擊南越遣大行王恢等將兵擊之

發明

帝自二年以後見於綱目所書者災異多矣正宜恐懼脩省以答天戒而乃興師動衆從事荒服兵禍盖自此始故綱目前書發兵救東甌於星孛西北之下此書遣兵擊閩越於星孛東方之下皆以見武帝忽天戒亟用兵之咎此固書法之深意也

○閩越王弟餘善殺王郢以降立餘善為東越王南越遣太子嬰齊入宿衛

閩越王郢擊南越王胡不敢擅興兵使人上書告天子天子多其義大為發兵遣王恢出豫章韓安國出會稽擊閩越淮南王安上書諫曰越方外之地剪髮文身之民不可以冠帶之國法度理也自三代之盛胡粵不受正朔非彊不能服威不能制以為不居之地不收之民不足以煩中國也今自相攻擊而陛下發兵救之是反以中國而勞夷狄也且越人輕薄反覆不用法度非一日之積一不奉詔舉兵誅之臣恐後兵革無時得息也間者歲比不登民生未復今發兵資糧行數千里夾以深林叢竹多蝮蛇猛獸夏月暑時歐泄瘡亂之病相隨屬也曾未施兵接刃死傷者必衆矣臣聞軍旅之後必有凶年言以其愁苦之氣薄陰陽之和感天地之精而災氣為之生也陛下德配天地澤及草木一人有饑寒不終其天年而死者為之悽愴於心今方內無狗吠之警而使甲卒暴露中原霑漬山谷邊境之民早閉晏開朝不及

夕臣安竊為陛下重之且越人縣力薄材不能陸戰
及無車騎弓弩之用然而不可入者以保地險而中
國之人不耐其水土也臣聞道路言閩粵王弟甲弑
而殺之甲以誅死其民未有所屬陛下若使重臣臨
存施德垂賞以招致之此必携幼扶老以歸聖德若
無所用之則存亡繼絕建其王侯此必委質為臣世
共貢職陛下以方寸之印丈二之組填撫方外不勞
一卒不頓一戟而威德並行今以兵入其地此必震
恐逃入山林背而去之則復羣聚留而守之歷歲經
年則士卒罷勸食糧乏絕一方有急四面皆聳臣恐
變故之生奸邪之作由此始也臣聞天子之兵有征
而無戰言莫敢校也如使粵人徼幸以逆執事廝與
之卒有一不備而歸雖得越王之首臣猶羞之陛下
以九州為家生民皆為臣妾塞外之地何足以為一
日之間而煩汗馬之勞乎詩云王猶允塞徐方既來
言王道甚大而遠方懷之也臣安竊恐將吏之以十

萬之師為一使之任也是時漢兵遂出未踰嶺閩越王郢弟餘善殺王使使奉其頭致王恢恢乃以便宜按兵告安國而使使奉王頭馳奏詔罷兵立無諸孫繇君丑為越繇王奉閩越先祭祀餘善既殺郢威行於國繇王不能制因立餘善為東越王與繇王並處上使莊助諭意南越南越王胡頓首曰天子乃為臣興兵討閩粵死無以報德遣太子嬰齊入宿衛謂助曰國新被寇使者行矣胡方日夜裝入見天子助既去南越大臣皆諫曰先王昔言事天子期無失禮要之不可以說好語入見則不得復歸亡國之勢也於是胡稱病

集覽

越方外之地謂越在中國四方之外剪髮文身地理志謂越地文身斷髮

以避蛟龍之害穀梁傳曰吳夷狄之國也祝髮文身注祝之六反斷也斷音短釋曰荆揚之域厥土塗泥人多游水故刻畫其身以象蛟龍之文與之同類庶不見害也歐泄顏師古曰歐讀與嘔同泄弋制反亦

吐也臨存句絕以尊適早曰臨恤問曰存不頓一戰
頓與鈍通漢書賈誼策芒又不頓廝與廝折薪者與
主駕者皆賤役之人一日之間間音開謂不足為一
日間暇之虞王猶允塞徐方既來詩常武篇文箋云
猶尚允信也宣王重兵兵雖臨之尚守信自實滿兵
未陳而徐國已來告服所謂善戰者不陳無諸孫繇
君且無諸閔越王名也索隱曰繇音搖邑名也繇君
名丑乃無諸之孫日夜裝急治行裝也說好語說讀
曰悅漢書說作誄韋昭曰**正誤**廝與今按與乃僕隸
誄音恤誘也誘以好言語之屬賤者也左傳皂
臣與注與衆也謂佐皂舉衆事也王猶允塞今按猶
道也塞實也言王道信為誠實不用詭詐而徐方來
也歸

書法

二越相攻書擊矣漢兵也其書擊何譏事外
也自是因南越之朝而呂嘉反因呂嘉之兵

而東越反南方益多事矣故
路博德楊僕之兵皆書擊

以汲黯為主爵都尉

始黯為謁者以嚴見憚東越相攻上使黯往視之不
至還報曰越人相攻固其俗然不足以辱天子之使
河內失火延燒千餘家上使往視之還報曰家人失
火屋比延燒不足憂也臣過河南貧人傷水旱萬餘
家或父子相食臣謹以便宜持節發倉粟以賑之臣
請歸節伏矯制之罪上賢而釋之以數切諫不得留
內遷為東海守好清靜擇丞史任之責大指而已不
苛小黯多病卧閣內不出歲餘東海大治名為主爵
都尉其治務在無為引大體不拘文法為人性倨少
禮面折不能容人之過時天子方招文學嘗曰吾欲
云云黯對曰陛下內多欲而外施仁義奈何欲效唐
虞之治乎上怒罷朝謂左右曰甚矣汲黯之戇也羣

臣或數黜黜曰天子置公卿輔弼之臣寧令從諛承
意陷主於不義乎且已在其位縱愛身柰辱朝廷何
黜多病賜告者數不愈莊助復為請告上曰汝黜何
如人哉助曰使黜任職居官無以踰人然至其輔少
主守城深堅招之不來麾之不去雖自謂賁育亦不
能奪之矣上曰然古有社稷之臣至於黜近之矣胡
氏曰汝黜多欲之言豈惟深中武帝之病凡為人君
莫不然矣堯舜禹湯文武則無欲者也自餘賢主則
能室欲者也屈於物欲不知自反則昏亂危亡之君
內多欲而外施仁義則五伯假之之徒也所謂欲或
酒或色或貨利或宮室或遊畋或狗馬或博奕或詞
藝圖書以為文或撫劔疾視以為武或闢土服遠以
為功或耽佛好仙以為高雖汙潔不齊欲有大小然
皆足以變移志慮荒廢政理雖欲勉行仁義而行之
無本其不足以感人心而正民志矣故人君莫大乎
修身而脩身莫先於寡欲欲誠不行則心虛而善入

氣平而理勝動無非理事無不善唐虞之治不越此矣

集覽

東海守東海古徐州分今海州是也

太守掌治其郡好清靜清靜道家無為之學也丞史百官表郡守屬官有丞邊郡又有長史掌兵馬晉灼

曰漢儀注云丞史曰丞史不苛小苛者何小草也喻政令不事煩細云云猶言如此如此史略其辭耳張

晏曰所言欲施仁義也賜告者數李斐曰休謁之名吉日告凶曰寧孟康曰古者名吏休假曰告顏師古

曰告者請謁之言謂請休耳漢諸書云謝病皆同義初學記漢律吏二千石有予告賜告予告者在官有

功最法所當得者也賜告病滿三月當免天子優賜其告使得帶印綬將官屬歸家理疾成帝時二千石

賜告不得歸家和帝時子賜皆絕數音朔踰人漢書踰作踰注踰勝也深堅謂志操深遠堅固不可奪賁

育許慎曰孟賁夏育古之勇士皆衛人賁生拔牛角育力舉千鈞

正誤

丞史今按漢制郡守之屬

有丞有諸曹掾史不必引漢儀也

質實

汲黯濮陽人河內郡注見桓帝延熹六年東海郡注見桓

帝永興二年

與匈奴和親

匈奴來請和親天子下其議王恢燕人習兵事曰匈奴和親不過數歲即復倍約不如勿許興兵擊之御史大夫韓安國曰匈奴遷徙鳥舉難得而制今行數千里與之爭利則人馬罷乏虜以全制其敝此危道也不如和親群臣議者多附安國於是許之

丁未元光元年冬十一月初令郡國舉孝廉各一人

從董仲舒之言也

遣將軍李廣程不識將兵屯北邊

廣與不識俱以將兵有名當時廣行無部伍行陳就善水草舍止人人自便不擊刁斗自衛莫府省約文書然亦遠斥候未嘗遇害不識正部曲行伍營陳擊刁斗治軍薄至明軍不得休息亦未嘗遇害然匈奴畏李廣之略士卒亦多樂從廣而苦於不識司馬公曰易曰師出以律否臧凶言治衆而不用法無不凶也故曰兵事以嚴終為將者亦嚴而已矣然則微程不識雖無功猶不敗微李廣鮮不覆亡哉

集覽

部伍百官表將軍領軍皆有部曲大將軍營五部部校尉一人部有曲曲有軍候一人伍行伍也左傳先偏後伍伍承彌縫刁斗孟康曰古者軍行以銅為鐃器受一斗晝炊飲食夜擊持行名曰刁斗索隱曰如鐃宮中傳夜鈴蘇林曰形如銅無緣可受一斗故名焉鐃即鈴也埤蒼云鐃斗溫器也三足有柄鐃音焦銅

呼玄反遠斤候許慎曰斤度也候望也所以望燧燧也示兒編曰斤候謂檢行險阻伺候盜賊宋高宗時張守亦上言今日莫先於遠斤候三國時烽火一夕五千里是也又斤候注見唐德宗貞元三年師出以律否臧凶師卦王弼注為師之始齊師者也齊衆以律失律則散故師出以律律不可失失律而臧何異於否失令有功法所不赦故師出不以律否臧皆凶否音鄙惡也臧作郎反善也左傳宣十二年師出以律否臧凶執事順成為臧逆為否注律法否不也伊川易傳曰否方有反律謂號令節制也行師之道以號令節制為本所以統制於衆不以律則雖善亦凶雖使勝捷猶凶道也制師無法幸而不戰且勝者時有之矣聖人質實李廣隴西成紀人程不識未詳之所戒也

夏四月赦○五月詔舉賢良文學親策之

漢武帝君之說士入海生之處諸禁以意已君既死化去何不悟

書法

書親何譏也何譏躬親策之而所得者公孫弘耳按西漢紀公孫弘初對策出於是年五

年乃再對也弘傳元光五年復徵對賢良策文與武帝紀元光元年策文相類考異云或者此策乃弘先舉賢良所對班氏誤寘五年也以是為失人故譏之是故文帝策士而得鼂錯則書親十五年武帝策士而得公孫弘則書親是年文宗策士而失劉蕡則書親太和二年譏不知人也終綱目書親策三而已

○秋七月日食

戊申二年冬十月帝如雍祠五時質實

雍縣名注見周赧王八年

○始

親祠竈遣方士求神僊

信李少
一遂遠方
求安期
化丹砂
冀成金
世矣至少
猶以為
其迷而

李少君以祠竈却老方見上尊之少君匿其年及生長善為巧發竈中言祠竈則致物而丹砂可化為黃金蓬萊仙者可見見之以封禪則不死於是天子始親祠竈遣方士入海求蓬萊安期生之屬而事化丹砂諸藥齊為黃金久之少君病死天子以為化去不死而海上燕齊怪迂之士多更來言神仙事矣

覽祠竈如淳曰祠竈可以致福按禮竈者老婦之祭盛於盆尊於鉶說文周禮以竈祀祝融淮南子曰炎帝作火官死為今之竈神司馬彪注莊子云浩竈神也如美女衣赤衣正義曰夏祀竈從熱類也祠竈之禮先廟于門之與東西設主于竈陘巧發竈中中竹仲反當也如淳曰時時發言有所中也致物如淳曰物鬼物也璣曰物藥物也安期生正義曰列仙傳云安期生琅邪阜鄉亭人賣藥東海邊時人皆言千歲公始皇與語三夜出於阜鄉亭皆置去留書以赤玉為一重為報曰後千歲求我於蓬萊山下後求之於

蓬萊山輒風波而還遂立祠阜鄉縣之阜鄉亭化丹砂諸藥齊為黃金丹砂玉石部藥名索隱曰齊音分劑之劑抱朴子論仙篇云夫作金皆在神仙集漢淮南王抄出以作鴻寶枕中書雖有其文然皆秘其要其所用藥物復多改其質實一統志云安期生秦時本名不可按之使用賣藥海遑人言其千歲李少君遇之食以棗大如瓜蒲澗所產菖蒲一寸九節生採而服之其隱居有十蒲澗其一也

書法

親者何不宜親者也竈五祀之一爾而親祠之帝始惑於方士矣故特書始自是而書求

神仙者二書方士者五書如緱氏者再書如東萊者再書作觀藥臺書望祀蓬萊皆自此始也終綱目書求神仙三秦皇漢武而已矣始皇三十八年是年元封元年綱目漢祀書始二是年唐玄宗天

寶三
載

發明

春秋比事之書韓愈稱其謹嚴先儒謂愈深得春秋之旨綱目取法春秋故於書法之間

深所加謹如祠雍之事盛於武帝之時然其原乃自文帝始是以文十五年書如雍始郊見五帝至武帝是年則止書如雍祠五時而已若夫祀竈之事前此固未有之是以始之一字特筆於此此則謹嚴之意見於書法之間者也然文帝雖有作俑之失原其本心實出于事神敬天之意而武帝特為己私而設故綱目大書遣方士求神仙于下以譏之爾况祠竈賤事尤非郊帝之比而武帝親之則其失有甚於祠雍多矣要在學者比而觀之可也

立太一祠

毫人謬忌奏祠太一方曰天神貴者太一太集覽人

一佐曰五帝於是天子立其祠長安東南郊

謬忌史記漢武本紀作亳人薄誘忌索隱曰姓謬名忌居於山陽亳縣故又稱薄忌此文則衍薄字而謬又悞作誘也太一佐曰五帝正義曰太一神名天之尊也五帝太一之佐佐者配祭也天文志天極星其一明者泰一也索隱曰案樂汁微圖云紫微宮北極天一太一宗鈞以為天一太一北極之別名謬忌奏古者天子以春秋祭太一東南郊用太牢具七日為壇開八通之鬼道於是立祠而祀之五帝注見文帝十五年

夏六月遣間誘匈奴單于入塞將軍王恢等伏兵邀之不獲恢以罪下吏自殺

鴈門馬邑豪聶壹因大行王恢言匈奴初和親親信邊可誘以利伏兵襲擊必破之道也上召問公卿恢

曰臣聞全代之時北有彊胡之敵內連中國之兵然
匈奴不輕侵也今以陛下之威海內為一然匈奴侵
盜不已者無他以不恐之故耳臣竊以為擊之便韓
安國曰臣聞高皇帝嘗圍于平城七日不食及解圍
反位而無忿怒之心夫聖人以天下為度者也不以
已私怒傷天下之功故結和親至今為五世利臣竊
以為勿擊便恢曰不然高帝所以不報平城之怨者
非力不能所以休天下之心也今邊境數驚士卒傷
死中國櫓車相望此仁人之所隱也故曰擊之便安
國曰不然臣聞人君謀事必就祖發政占古語重作
事也用兵者以飽待飢正治以待其亂定舍以待其
勞故接兵覆衆伐國墮城常坐而役敵國此聖人之
兵也今將卷甲輕舉深入長驅難以為功從行則迫
脅衡行則中絕疾則糧乏徐則後利不至千里人馬
乏食兵法曰遺人獲也臣故曰勿擊便恢曰不然臣
今言擊之者固非發而深入也將順因單于之欲誘

而致之遑吾選梟騎陰伏而處以為之備審遮險阻
以為其戒吾執已定或營其左或營其右或當其前
或絕其後單于可擒百全必取上從恢議六月以韓
安國李廣王恢為將軍將車騎材官三十餘萬匿馬
邑旁谷中陰使聶壹亡入匈奴謂單于曰吾能斬馬
邑令丞以城降財物可盡得於是單于穿塞將十萬
騎入武州塞未至百餘里見畜布野而無人牧者乃
攻亭得鴈門尉史知漢兵所居單于大驚曰吾固疑
之乃引兵還漢兵追至塞弗及乃皆罷兵王恢主別
從代出擊敵輜重亦不敢出上怒下恢廷尉當恢逗
撓當斬恢行千金丞相蚡蚡言於太后曰王恢首為
馬邑事今不成而誅恢是為匈奴報仇也太后以告
上上曰首為馬邑事者恢故發天下兵數十萬從其
言為此且縱單于不可得恢所部擊其輜重猶頗可
得以慰士大夫心今不誅恢無以謝天下於是恢聞
乃自殺自是匈奴絕和親攻當路塞然尚貪樂關市

嗜漢財物漢亦關
市不絕以中其意

集覽

馬邑豪聶壹張晏曰豪帥也
史記作聶翁一顏師古曰一

名也老故稱翁義或然也馬邑注見高帝六年全代
謂代地未分之時傷天下之功宋祁曰別本功或作
公榘車榘于歲反小棺也載從軍死者以榘車送致
其家所隱隱猶言痛也就祖發政凡發政施令必就
祖宗之舊規占古語猶云古人有言曰占之贍反口
占也墮城墮與墮同毀壞也賈誼過秦論墮名城從
行從子容反瓚曰以利合為從衡行衡讀曰橫瓚曰
以威勢相脅為衡遺人獲遺去聲以軍遺敵令其獲
虜為其戒戒其侵掠也武州塞徐廣曰屬鴈門崔浩
曰在平城縣西百里當恢逗撓當處其罪也撓音鬧
兵法行而逗留畏懦者斬名曰逗撓漢書音義曰逗
曲行避敵也撓顧望軍法語當路塞蘇林曰直當道
之塞

正誤

謀事必就祖發政占古語今按就祖二字
當屬上文為句發政二字屬下文言謀事

必依就祖宗之故事發政施令必以古人之言占度其可否也從行則迫脅衡行則中絕今按此言擊匈奴深入長驅之難從行直行也衡與橫同集覽乃引合從連衡之義解之誤矣審遮險阻以為其戒今按戒者戒其質實一統志云韓安國淮陽人武州塞戰謹審也質實國趙所置漢為鴈門郡武州縣晉改縣曰新城後唐李克用生神武川之新城即此遼金為武州治寧遠縣故城在大同府朔州西一百五十里

書法

書誘何醜之也前書與匈奴和親矣未聞犯塞也而輕聽妄動以中國而行詐於四裔以

是為可醜也故書誘於是以韓安國李廣王恢為將軍恢主別從代出擊敵輜重則曷為獨首恢恢首事也綱目上書遣間下書恢以罪下吏兩責之也帝自是加兵匈奴皆書擊兵書誘始此終綱目

兵書誘者四是年後主建興六年九年晉恭帝元
熙二年終綱目書以罪下吏七王恢丞相賀田廣
明淳于長歐陽歙
河南尹等司徒穆

發明

匈奴在漢誠可討伐然自武帝繼統以來未
聞有犯邊之罪况前年求和方從所請今乃

無故設誘果何義耶夫帝王所以威服天下者以
信義素著焉爾若變詐反覆施於對敵猶且不得
為正大之舉矧無釁妄動者乎自後世論者每以
平城之圍嫚書之辱大武帝復讐之義殊不知高
祖失之於輕敵呂后有瑕之可指於是蕃人恃其
壯士健馬不肯休息在武帝本自無讐可復特不
過因其盜邊而治之是亦足矣何必生事邀功自
為詐誘之謀乎綱目於此書曰遣間誘匈奴書曰
伏兵邀之不獲則漢人之失固自不言可知而又
王恢首為此謀死以罪書則其曲直愈更彰彰明

矣自是而後兵連禍結是果誰之咎歟

巳酉 三年春河徙頓丘夏決濮陽

春河水徙從頓丘東南流夏復決濮陽瓠子注鉅野通淮泗汎郡十六發卒十萬塞之輒復壞是時田蚡奉邑食鄆居河北河決而南則鄆無水災邑收多蚡言於上曰江河之決皆天事未易以人力彊塞望氣者亦以為然

集覽 頓丘地理志魏郡頓丘縣春秋澶於是久不塞

北二十里今大名南開州本漢頓丘地濮陽瓠子地理志東郡濮陽縣瓠子隄名也蘇林曰瓠子河在濮陽北鄆城南廣百步深五丈括地志云濮陽故城在今濮州西八十里濮水出縣南入濟州鉅野縣瓠子在鉅野東北今大澤是鉅野注見獻帝興平二年奉邑食鄆奉與倖通秩祿也索隱曰鄆音輸韋昭曰清

河郡邑案清**質實**一統志云頓丘縣屬東郡晉於縣置頓丘郡

河今恩州是

質實

頓丘

縣屬東郡

晉於縣置

頓丘郡

郡

後廢北齊縣省隋復置屬武陽郡唐大厯中析頓丘

及昌樂縣置清豐縣屬澶州以孝子張清豐故名五

代晉以頓丘為德清軍宋慶厯中徙德清軍治新豐

熙寧中省頓丘入焉金罷軍以縣屬開州元仍其舊

國朝初改屬大名府濮陽注見周安王五年瓠子河

名今謂之瓠子口在大名府開州城西南二十五里

漢武帝時河決濮陽瓠子使汲仁郭昌發卒數萬塞

之帝因封禪還自臨決河沉白馬玉璧令從官自將

軍以下皆負薪寘決河作歌二章悼功之難成卒塞

瓠子築宮其上曰宣房宮鄒漢之縣名屬清河郡晉

因之北齊省入平原縣隋復置屬貝州唐改為夏津

縣宋屬魏州金屬大名府元屬高唐州國朝因之屬

東昌

府

庚戌 四年冬十二月晦殺魏其侯竇嬰

初孝景時竇嬰為大將軍田蚡乃為諸郎已而蚡日益貴幸嬰失執賓客益衰獨潁陰灌夫不去嬰乃厚遇夫相為引重夫剛直使酒諸有執在已之右者必陵之數因醉忤蚡蚡乃奏案夫家屬橫潁川得棄市罪嬰上書論救上令與蚡東朝廷辯之上問朝臣兩人孰是唯汲黯是嬰韓安國兩是之鄭當時是嬰後不敢堅太后怒不食曰今我在也而人皆藉吾弟令我百歲後皆魚肉之乎上不得已遂族灌夫使有司案治嬰得棄**集覽**魏其地理志琅邪郡魏其縣諸郎市罪論殺之**漢書本傳**作諸曹郎按百官表郎掌守門戶出充車騎有議郎中郎侍郎郎中皆無員多至千人相為引重為去聲轉相汲引而致於尊重也張晏曰相薦達為聲勢也橫潁川橫去聲灌夫家屬恣橫於潁川郡東朝灌夫傳注太后之朝後不敢

堅鄭當時所對先己是嬰後乃不敢堅執前說藉吾弟藉慙夜反蹈也猶言較牾也

質實

縣名

注見文帝二年

書法

非日食未有書晦朔者此其書十二月晦何甚殺者也曷為甚之越日則春春不殺矣以

帝為有恐失之心也故甚之族灌夫不書夫罪人不足書也綱目殺無罪書殺

發明

竇嬰所坐不過上書論救灌夫而已罪未至死故書殺而不去其官若夫書月書日漢史

謂其著日月者見春垂至恐過赦贖之于以見漢以私意殺嬰是故綱目亦因而筆之以見不沒其實爾至於灌夫乃削而不書者蓋夫有暴橫潁川陵脅宰相之罪自取誅戮初無足恤故也不然綱目豈故詳於嬰而畧於夫哉

春三月丞相蚡卒○夏四月隕霜殺草

書法

四月而霜霜至殺草大異也故書書隕霜始此終綱目書隕霜四

莽甲戌年辛巳年而四月者二是年新莽甲戌年

○五月以薛澤為丞相○地震赦

辛亥五年冬十月河間王德來朝獻雅樂對詔策春正月

還而卒

河間獻王脩學好古實事求是以金帛招求四方善書得書多與漢朝等時淮南王安亦好書所招致率多浮辨獻王所得皆古文先秦舊書周官尚書禮禮記孟子毛氏詩左氏春秋之屬采禮樂古事稍稍增

輯至五百餘篇被服造次必於儒者山東諸儒多從
之遊是歲十月來朝獻雅樂對三雍宮及詔策所問
三十餘事推道術而言得事之中又約指明天子下
太樂官存肄所獻雅聲歲時以備數然不常御正月
王薨中尉以聞曰王身端行治溫仁恭儉篤敬愛下
明知深察惠于鰥寡大行令奏諡法聰明睿智曰獻
諡王曰獻王班固曰昔魯哀公有言寡人生於深宮
之中長於婦人之手未嘗知憂未嘗知懼信哉斯言
也雖欲不危亡不可得也是故古人以晏安為鴆毒
無德而富貴謂之不幸漢諸侯王以百數率多驕淫
失道何則沈溺放恣之中居執使然也夫唯大雅卓
爾不群河間獻王近之矣司馬公曰景帝之子十有
四人栗太子廢而獻王最長嚮若遵大義而屬重器
焉則帝王之治復還矣嗟夫天實不欲禮樂復興邪
抑斯人之不幸也

集覽

實事求是本傳注務得事實每求真
是禮禮記禮謂禮經也周公所記者

所謂禮經三百則周禮也禮記是解儀禮者所謂威儀三千則儀禮也被服造次顏師古曰被服言常居處其中造次謂所向所行皆取法儒者三雍宮本傳謂辟雍明堂靈臺雍和也言天地君臣人民皆和行治行音胡孟反言迹也治理也屬重器屬託也索隱曰天下者王者之重器莊子天下之大器是也

正

誤

被服造次今按謂
意遽苟且之時

書法

綱目不昏卒諸侯河間王德卒於國則何以書賢之也其賢之何獻雅樂對詔策賢也賢

之斯卒之矣是故入綱目書來朝九未有書所事者書曰獻雅樂對詔策特筆也

通南夷置犍為郡通西夷置一都尉

初王恢之討東越也使番陽令唐蒙風曉南越南越食蒙以枸醬問所從來曰道西北牂柯江牂柯江廣

數里出番禺城下蒙歸門蜀賈人賈人曰獨蜀出枸
醬多持竊出市夜郎夜郎臨牂牁江江廣百餘步南
越以財物役屬之然亦不能臣使也蒙乃上書曰南
越王名為外臣實一州主也今以長沙豫章往水道
多絕竊聞夜郎精兵可十餘萬浮船牂牁出其不意
此制越一奇也請通夜郎道為置吏上乃拜蒙為中
郎將將千人從筰關入見夜郎侯多同厚賜之喻以
威德約為置吏多同等貪漢繒帛以為道險漢終不
能有乃且聽約蒙還報上以為捷為郡發卒治道數
萬人卒多物故有逃亡者用軍興法誅之巴蜀民大
驚恐上使司馬相如責蒙等因諭告巴蜀民以非上
意相如還報時叩筰君長聞南夷得肯賜多欲請吏
上問相如相如曰叩筰君長聞南夷得肯賜多欲請吏
於南夷上乃拜相如為中郎將建節往使因巴蜀吏
幣物以賂西夷皆請為內臣除邊關闕益斥西至沫
若水南至牂牁為徼通零關道橋孫水以通叩都為

置一都尉十餘縣屬蜀上大悅

集覽

番陽注見秦二世二年風曉風讀曰諷微加曉告也枸醬徐廣

曰枸一作蒟音矩漢書音義曰枸似穀樹葉如桑葉用葉作醬酢美蜀人以為珍味顏師古曰枸緣木而

生非樹也今蜀士家出枸實長二三寸味辛似薑不酢案本草枸實似王瓜蔓生苗為留藤實似桑椹皮

黑肉白食之辛香下氣消穀左思蜀都賦所謂蒟醬吳都賦所謂東風浮留通志云蒟醬曰浮留似草撥

今嶺南取其葉及藤合檳榔食之牂柯江牂柯本西南夷且蘭國也漢武置為郡今南平軍是漢書音義

曰牂音茲郎反字通作牂案牂柯繫船杙也華陽國志云戰國楚頃襄王遣莊躋伐夜郎軍至且蘭椽船

於岸而步戰既滅夜郎且蘭有椽船牂柯處因改名曰牂柯江江水出南徼外東通四會至番禺入海

五代史四夷附錄曰牂柯蠻在辰州西千五百里番禺注見高帝十一年多持竊出市夜郎謂蜀賈多有

竊持枸醬出界市賣與夜郎也荀悅曰夜郎捷為屬國也其地在湖南東接交趾漢為縣屬牂柯正義曰今瀘州南大江南崖協州曲州本夜郎國華陽國志云西南夷君長以什數夜郎最大初有女子浣於澗水有三節大竹流入足間聞其中有聲剖之得一兒歸養之及長有才武自立為夜郎侯以竹為姓笮閬西南夷地漢置笮都縣又注見邛笮多同夜郎侯之名卒多物故卒士卒也顏師古曰物故謂死也言其同於鬼物而故也一說不欲斥言死但云其所服用之物皆已故耳索隱曰魏臺訪問物故之義於高堂隆荅曰聞之先師云物無故事也言死者無所復能於事也邛笮韋昭曰邛音窮笮一作笮並音昨皆西

南夷正義曰邛本秦蜀郡地在我州西南笮本西蜀徼外白猫羌在我州西北按戎州今潼川路叙州是括地志云漢武置邛都縣尋改置越嵩郡今邛州是以笮都縣置沈黎郡今黎州是華陽國志云雅州有

邛崃山本名邛笮山山下有九折坂其坂阻峻曲回
九折乃至山下冉駝索隱曰西域二族也駝莫江反
括地志云冉駝蜀西徼外羌也漢武置汶山郡今茂
州威州本冉駝地後書云冉駝山有六裔七羌九蠻
除邊關索隱曰謂通關去塞也關並斥索隱曰斥開
拓也沫若水索隱曰沫莫曷反或音妹沫水出蜀西
南廣平徼外與青衣水合東南入海若水一作瀘水
出旄牛徼外至犍道入江華陽國志漢嘉郡有沫水
按漢嘉今雅州是也通零關道零一作靈漢武鑿道
靈山為靈關道徐廣曰越雋郡有零關縣按關在今
雅州廬山縣北十里蜀都賦闢靈關以為門是也其
地甚險有峽口濶三丈長二百步俗呼為靈關道去
蕃界旬日程以繩為橋橋孫水一作梁孫原按梁即
橋也為梁於孫水之原也孫水一名白沙江出臺登
縣南至會質實一統志云牂牁古西域之地名秦為
川入若水

夜郎且蘭二縣地漢置牂牁郡晉隋

因之唐貞觀初分牂牁郡北界置郎州尋省未幾復
置後改郎州為播州治遵義縣天寶中改播州郡乾
元初復為播州唐末沒於裔宋置播州及遵義軍宣
和中廢州為播州縣隸南平軍又改軍為寨隸珍州
尋置播州安撫司元改為播州沿邊安撫司至國朝
改為播州宣慰使司隸四川道夜郎西南方之國名
漢置夜郎縣屬牂牁郡後廢之唐貞觀中復置屬珍
州開元中改屬漆州宋乾德中廢之熙寧中復置宣
和間廢之故址在播州宣慰司北五十五里舊閬在
雅州榮經縣東北四十里一名天險關據邛崃九折
坂之險犍為郡注見光武建武十二年邛笮二國名
注見元鼎六年越雋沈黎郡冉駹注同上年沫若水
沫水在雅州城西五十里源發廬山與沈黎郡陽山
江合流出岷江若水在雅州邛崃縣西南一名漁水
源出旄牛徼外至焚道縣入江通靈關在雅州廬山
縣西北六十里舊名靈關今名臨關蜀都賦關靈關

以為門蓋其關甚險一
人守之可以禦百即此

發卒治鴈門險阻集覽

治鴈門險阻劉貢父曰子謂治阻險者通道令平易以便伐匈奴耳

書法

書治阻險何譏也馬邑之詐漢有以開邊隙矣自反不縮出此下策故書譏之終綱目書

險塞園塹四
宋丙戌年魏隋仁壽四年是年太初三年

○秋七月大風拔木

書法

記異也書大風始此終綱目書大風十有三
是年征和二年莽甲戌年庚辰年安帝永初

元年二年元初六年桓帝元嘉元年靈帝建寧二
年隋煬帝大業十年唐高宗顯慶元年書暴總章
二年五代唐戌年而書拔折木者三
而已是年征和二年桓帝元嘉元年

○皇后陳氏廢

后以祠祭厭勝媚道事覺冊收璽綬退居長門宮供奉如法竇太主慙懼稽顙謝上慰諭之初上嘗置酒主家主見所幸賣珠兒董偃上使之侍飲常從遊戲馳逐觀雞鞠角狗馬上大歡樂之因為主置酒宣室使謁者引內偃中郎東方朔辟戟而前曰董偃有斬罪三安得入乎上曰何也朔曰偃以人臣私侍公主一也敗男女之化亂婚姻之禮傷王制二也陛下富於春秋方積思於六經而偃以靡麗奢侈極耳目之欲乃國家之大賊人主之大蠹三也上默然良久曰吾業已設飲後而自改朔曰不可夫宣室者先帝之正處也非法度之政不得入焉淫亂之漸其變為篡上曰善詔更置酒北宮引偃從東司馬門入賜朔黃金三十斤偃寵由是日衰然

集覽 竇太主帝之姑館是後公主貴人多踰禮制矣

陶公主主見見音

現出示之也太主出董偃見於帝難鞠關難蹋鞠之
戲也徐廣曰鞠以革為圓囊實以毛髮蹴蹋為戲又
有所謂擊鞠者以木為毬騎而以杖擊之亦戲耳劉
向別錄蹴鞠黃帝造以練武士宣室三輔黃圖云未
央前殿正室也齋則居之淮南子曰周武王殺紂於
宣室漢取舊名也賈誼傳文帝受釐坐宣室即此辟
戟而前辟婢亦反劉兆曰辟捐也按本傳朔是時陛
戟殿下辟戟者謂以戟置地也國家之大賊國家天
子之稱漢官儀封禪記云詔百官以次下國家隨後
明日太醫令問國家起居國家云不勞是也賊猶言
害也人主之大賊或音域釋短狐也顏師古曰域
音或非短狐也猶今俗言魁域按詩何人斯篇為鬼
為域本音或正顏師古所註魁域者也沈氏音域及
陸氏釋文因沈氏音又以短狐如鼈三足釋之蓋誤
矣錢氏詩詁謂短狐非三足鼈是也不知域音或亦
非短狐劉貢父曰劉向說春秋域南方淫氣所生以

應哀姜然則朔正用指董偃爾何必遷就言蜮也春秋莊十八年秋有蜮公羊傳注蜮之言惑也其毒害傷人形體不可見象魯為鄭瞻所惑其毒害傷人將以大亂而不能見也北宮索隱曰在未央宮北故曰北宮正義曰在雍州長安西北十三里長安故城中與桂宮相近

書法

廢辭有二廢皇后某氏無罪之辭也皇后某氏廢有罪之辭也終綱目書皇后某氏廢三

武帝陳氏宣帝霍氏和帝陰氏

發明

不曰廢皇后陳氏而曰皇后陳氏廢者后實有罪故也孝景薄后無罪故書曰廢皇后薄

氏今陳氏有罪則以自廢為文若曰后非有能廢之者后自廢也此與春秋書梁亡同意

詔太中大夫張湯中大夫趙禹定律令質實

張湯杜陵人趙禹蘄

人

上使張湯趙禹共定律令務在深文拘守職之
吏作見知法吏傳相監司用法益刻自此始
務在深文史記趙禹傳注漢書音義曰禹持文法深
刻拘守職之吏張湯傳注蘇林曰謂拘刻於因循守
職無所改作之吏作見知法張晏曰吏見知
人犯法不舉告是為故縱則以其罪罪之

書法

蕭何定律令不書此何以書帝之律令非高
帝比也終綱目書律令之變二十五詳周顯

王十年條制

格式不與焉

八月螾

書法

書螾始此綱目書螾五是年靈帝熹平四年
中平二年獻帝建安十七年丁酉年晉書大

蝗十六書蝗三十
七詳文帝後六年

○以公孫弘為博士

是時徵吏民有明當世之務習先聖之術者縣次續
食令與計偕菑川人公孫弘對策曰臣聞堯舜之時
不貴爵賞而民勸善不重刑罰而民不犯躬率以正
而遇民信也是故因能任官則分職治去無用之言
則事情得不作無用之器則賦歛省不奪農時不妨
民力則百姓富有德者進無德者退則朝廷尊有功
者上無功者下則羣臣遠罰當罪則奸邪止賞當賢
則臣下勸凡此八者治之本也故民者業之則不爭
理得則不怨有禮則不暴愛之則親上此有天下之
急者也禮義者民之所服也而賞罰順之則民不犯
禁矣氣同則從聲比則應今人主和德於上百姓和
合於下故心和則氣和氣和則形和形和則聲和聲

和則天地之和應矣故陰陽和風雨時五穀登六畜蕃山不童澤不涸此和之至也臣聞仁者愛也義者宜也禮者所履也智者術之原也四者治之本也得其要則天下安樂不得其術則主蔽於上官亂於下此事之情也策奏天子擢為第一拜博士待詔金馬門齊人轅固年九十餘亦以賢良徵弘仄目事固固曰公孫子務正學以言無曲學以阿世諸儒多疾毀固遂以老罷歸時鑿山通西南夷道千餘里戍轉相餉數歲不通士罷餓暑濕死者甚衆夷又數反發兵興擊費以鉅萬計而無功詔使弘視焉還奏盛毀西南夷無所用上不聽弘每朝會議開陳其端使人主自擇不肯面折廷爭於是上大悅之嘗與汲黯請問黯先發之弘推其後天子常說所言皆聽弘嘗與公卿約議至上前皆倍其約以順上旨汲黯廷詰弘多詐不忠弘謝曰知臣者以臣為忠不

集覽

縣次續食所徵吏民

詣京師者令各縣依次第接續供給飲食也按續食當音祥吏反禮夏官懷方氏掌來遠方之民治其館舍飲食注云續食其往來也續食音嗣令與計偕令平聲計者上計簿使也郡國每歲遣詣京師上之偕俱也令所徵者與上計使者偕來也上計注見宣帝地節三年能任官則分職治任而令反分扶問反記王制任官然後爵之羣臣遂本傳注遂七旬反李奇曰言有次第也百姓和合於下顏師古曰言與工合德也待詔金馬門諸以才技徵召之人未有正官故稱待詔東方朔所謂避世金馬門是也金馬門者官署門也時有善相馬者東門京鑄銅馬法獻之詔立馬於魯般門故更名金馬門

正誤

因能任官

質實

菑川注見

遂今按遂却退也不躡進故為有次第
景帝三年山不童澤不涸童徒紅反獨也漢書注山無草木曰童涸曷各反毛晃韻水流已竭曰涸

書法

前書以董仲舒為江都相則首書舉賢良方正直言極諫之士於是徵吏民明當世之務習先聖之術者策問之弘對第一遂以為博士則曷為不書畧之也其畧之何不稱也先聖之術弘何足以知之然則鼂錯之於直言極諫亦不稱矣則何以書直言極諫其稱不稱易見也弘以儒名有似於習先聖之術者綱目別嫌明微削之者絕之於先聖之門也

壬子
六年冬初算商車

發明

商車前未有算也罔利蓋始於此書初算商車則帝之掎斂作俑曉然見矣

○春穿渭渠

大司農鄭當時言穿渭為渠下至河漕關東粟徑易又可以溉渠下民田萬餘頃至是發卒數萬人穿之

三歲而通質實一統志云鄭人以為便當時陳人

匈奴寇上谷遣車騎將軍衛青等將兵擊却之

匈奴寇上谷遣衛青等四將軍擊之李廣軍敗為敵所得給盛置兩馬間廣佯死暫騰而上敵人馬奪其弓鞭馬南馳遂得歸下吏當死贖為庶人兩將軍亦無功唯青得首虜多賜爵闕內侯青雖出於奴虜然善騎射材力絕人遇士大夫以禮與士卒有恩眾樂為用有將帥材故每出輒有功

集覽

絡盛置兩

馬間史記作置廣質實上谷郡名注見秦王政三年

兩馬間絡而盛卧


夏大旱蝗

御批資治通鑑綱目卷四上

謹案第十頁後一行即角城也刊本角城訛城角
據魏地形志改

第六十頁前一行必於儒者刊本於訛如據漢書
改

第六十五頁前八行趙禹檄人刊本檄訛釐據漢
書改



總校官庶吉士臣張能照

校對官檢討臣盧應

騰錄監生臣錢璣